


DS
735
A2Y86
1771.0
V. 55



御批歷代通鑑輯覽卷之一百九

明

世宗皇帝

乙未嘉靖十四年春正月罷督理倉場中官。

初孫交爲戶部尙書以監督倉場中官爲數太多。初止數人。

正德中增至五十五人。請盡去之并臨清淮徐諸倉一切勿遣帝

罷撤其半餘仍如故至是監督中官王奉季慎互以奸

賊訐奏下法司按問給事中管懷理。山東臨邑人。因言倉場

錢穀皆戶部事今叅用內官惟肆貪饕于國計無補請

悉撤回從之。先是帝旣盡撤天下鎮守中官至是復罷倉場監督其後又裁革京營提督監鎗太

監于是諸閹斂跡終帝之世四十餘年不敢爲惡。

莊肅皇后夏氏崩。

禮臣上喪儀。帝曰。嫂叔無服。且兩宮在上。朕當服青。臣民如母后服。夏言奏。羣臣不敢以素服見上。請暫罷朝。參許之。已而議謚。張孚敬曰。大行皇后。上嫂也。與累朝元后異。宜用二字。或四字。言與李時等。以莊肅配武宗。請遵累朝舊制。帝不悅。因用六字。曰孝靜莊惠安肅毅皇后。已悟孚敬言非是。改謚孝靜莊惠安肅溫誠順天偕聖毅皇后。二月。作九廟。

祖宗各爲專廟。太祖廟居中。左爲三昭廟。與文祖世室祀太宗。百世不遷。而四。右爲三穆廟。廟各有殿。殿有寢。以藏主。皆南向。世室殿寢。視昭穆廟加崇廣焉。帝語閣臣曰。文祖廟爲世室。則世廟

字當避。張孚敬言。世廟著明倫大典。頒詔四方。不可改。文世室宜稱太宗廟。從之。

二月葬孝靜皇后。

遼東軍亂。囚巡撫都御史呂經。字道夫。陝西寧州人。

經以苛虐失衆心。爲亂軍所執。故事。每軍一。佐以餘丁。十畝。經至。損餘丁之二。編入均徭冊。盡收牧地還官。又

役軍策邊牆。督趨過當。諸軍詣經乞罷。經榜笞訴者。卒

遂亂。毀府門。火均徭冊。經竄別室。帝聞。召經回。行至廣

中。搜得之。裂其冠裳。幽之都司署。帝聞。召經回。行至廣

寧。悍卒于蠻兒等復辱之。巡按御史曾銑。字子重。江都人。上言。

往者甘肅大同軍變。處之過輕。羣小謂罪不過此。遂狙

爲故常。今宜誅首惡。以懲其後。乃捕斬數十人。懸首邊

城。全遼大定。擢銑大理寺丞。經謫戍。

夏四月。張孚敬罷。

李敬有疾。帝與李時言。頗及其執拘。且不惜人材。以叢怨。李敬聞之。念前此三黜。皆爲帝所薄。遂屢疏乞骸骨。許之。明年復遣官視疾。趨入朝。行至金華。疾大作。乃歸。召費宏復入閣。

帝追念宏。遣行人卽家起之。比還朝。眷遇益厚。常偕李時召入無逸殿。與周覽殿廬。從容笑語。移時始出。自是數有咨問。宏亦竭誠無隱。承張桂操切之後。易以寬和。朝士皆慕樂之。

秋九月。詔九卿會推巡撫官。

帝懲遼東之變。欲慎簡撫臣。費宏請會九卿推舉。如京堂官例從之。

冬十月。華蓋殿大學士費宏卒。諡文憲。

帝深嗟悼。賻賻有加。贈太保。宏恭慎謙抑。明習國家故事。持重得大體。三入政府。

中遭讒構。迄以功名終。

丙申十五年春正月。以劉天和字養和。麻城人。為兵部侍郎。總制三

邊。

先是。濟農居套中。西抵賀蘭山。限以黃河。不得渡。用牛

皮為渾脫。即革囊。騎以濟河。俗謂之皮渾屯。與渾脫音相近。故史傳借用之。渡入山後。

諳達亦自豐州注見前。入套。相率為邊患。總制唐龍字虞蘭。

谿人。用總兵官王效延綏人。梁震新野人。數敗敵。十二年冬。虜犯鎮遠關。效

震感之。河。虜殺溺死者甚眾。明年。又犯黃甫川。震擊走之。既而復犯花馬池。不得入。引去。震追敗之。乾溝。鎮遠關。在寧夏府寶豐縣西南。黃甫川。在葭州府谷縣東北。有城。乾溝。亦曰蘆溝。在鞏昌府靖遠縣東北。寧夏。固

平原彼此伎倆相等者耳
後世地利不同用之即難
取效房琯陳濤之敗已事
可徵至宋而李綱宗澤間
一議行卒未收其實用况
復輪八挽運用鈍遲欲以
此挫銳衝堅殆如兒戲劉
子初為邊通良法輒用
以練習邊兵不知一車之
上而弩戟牌盾錯置雜陳
勢必艱重難勝所謂適用
者安在况邊隅攻戰全在
精騎摧鋒豈可轉以運車
碍其馳騁書生迂拙之見
真不值一哂耳

原邊接
界處。

然蹂躪迄無寧歲。及是天和赴鎮。龍召為刑部尚書。修

戰具。飭邊備。築增城堡。

時兵車皆雙輪。用二十人。遇險即困。又行遲。不適于用。天和倣

前總督秦紘。隻輪車。上置礮槍弩戟。前樹狻猊牌。左右

虎盾。連二車。蔽三十四人。一人挽之。推且翼者各二人。

戰則護騎士其中。敵遠施火器。稍近發弓弩。濟農以十

又近。乃出短兵。敵敗。則騎兵追。以練諸邊將。萬眾。將大舉入犯。天和策寇矚西有備。必東。密檄延綏

副將白爵宵行。與參將吳瑛合。寇果東至黑河墩。黑河。即古

黑水。在榆林府北。晉書載記。赫連勃勃于黑水之南。營都城。即此。遇伏。大創而去。爵等

尾擊之。寇連敗多死。其分犯寧夏者。亦為王效所破。捷

聞。進天和左都御史。

二月帝奉章聖皇太后。詣天壽山謁陵。

帝至沙河。見居民蕭條。顧謂大學士李時曰。七陵在此。

宜加守護。時對曰。昔邱濬建議。京師當設四輔。以臨滄
爲南。昌平爲北。薊州。保定爲東西。各屯兵一二萬。今若
于昌平增一總兵。可南衛京師。北護陵寢。帝乃下廷臣
勘議。于沙河築鞏華城。在昌平州東南。今有同知及都司駐此。爲置戍焉。
夏五月。毀禁中佛殿。

禁中大善佛殿。元時所造。藏金銀諸佛像及器物。至是。
悉命燬之。凡一百九十六座。其重萬三千餘斤。以其地
建太后宮。

冬十二月。以道士邵元節爲禮部尚書。

元節自嘉靖三年召入京。大加寵信。封真人。班二品。其贈父母官。其孫及曾孫。至是。以皇儲生。嘉其禱祀功。拜尚書。

閏月。以禮部尚書夏言兼武英殿大學士。預機務。

言入閣。李時雖為首輔。政多自言出。時亦每推讓焉。

丁酉十六年春二月。詔右都御史毛伯溫字汝厲。吉水人。討安南。

初。安南社堂燒香官陳暲。

安南前後有兩陳暲。在宣德時。黎利偽奉以降。一即此。

詭稱前王陳氏後。殺國王黎暲而自立。

自黎利後。九傳而至暲。多行不

義。遂及于難。

暲臣莫登庸。初附暲。後與黎氏大臣阮宏裕等。

起兵討暲。

暲奔諒山。兵敗走死。

立暲兄子諱為王。登庸握兵柄。潛

蓄異志。黎氏舊臣鄭綬。以諱徒擁虛位。別立其族子酉

榜。登庸破綬。捕殺酉榜。益恃功驕恣。旋逐諱。諱奔清華。

登庸立其庶弟慮。已復殺慮。篡其位。不通朝貢者二十

餘年。至是。諱子寧。

時諱已卒于清華。

遣使告難。乞興問罪師。夏

言等列登庸罪狀請大振宸斷尅期起伯溫于

家

伯溫先爲大理丞坐李福達獄奪職尋起用都御史以憂回籍

命叅軍務以都督僉

事江桓牛桓督軍討之兵部侍郎潘珍

字玉卿婺源人

言安南

不足置郡縣其叛服無與中國用兵非計廣東巡按御

史余光

江寧人

亦言莫之篡黎猶黎之篡陳不足深較但

當罪其不庭責以稱臣修貢不必遠征以疲中國帝怒

褫珍職奪光俸已而伯溫至京奏上方畧而帝意忽中

變命暫緩師會雲南巡撫汪文盛

字希周崇陽人

招納黎氏舊

臣得其進兵地圖并獲登庸間諜及所撰僞大誥

登庸篡位

時作大誥五十條頒之國中

上之命仍遵前詔征討

明年春文盛復以登庸降表至

請宥罪許貢下廷議僉言不可許乃趣伯溫啓行制甫下兩廣總督侍郎張經以用兵方畧上具言須兵三十

萬餉百六十萬石。欽州知州林希元則極言登庸易取狀。請即日。出師。兵部尚書張瓚不收決。復請廷議。議上。無成策。帝不懌。讓瓚。師復止。初。帝以用兵事重。本無必討意。特欲威服之。故命下而罷者。再至十八年。登庸屢表乞降。帝亦欲因撫之。再下廷臣議。勦撫之宜。瓚及廷臣。請仍命伯溫南征。如登庸束手歸命。無異心。則待以不死。從之。張經。字廷美。侯官人。

夏五月。雷震謹身殿。

冬十一月。故昌國公張鶴齡下獄死。

奸人班期于雲鶴。告延齡兄弟挾左道咒詛。逮鶴齡下詔獄。太后衣敝襦。席藁為請。不得。鶴齡瘐死獄中。

戊十七年夏。六月。詔議明堂大饗禮。下戶部侍郎唐胄。字平侯。瓊山人。

初。獻皇帝廟止修時祀。于是。揚州府同知豐坊。字存禮。熙

之請建明堂尊獻皇帝廟號爲宗以配上帝下禮部集

議尚書嚴嵩

字惟中分宜人

言傳稱萬物成形于秋故秋祀明

堂以父配主親親也至宋儒論則主祖宗之功德今以功德則宜配文皇以親則宜配獻皇且未有稱宗而不祔太廟者帝示夏言言不敢議帝曰皇考稱宗豈爲過情嵩于是曲順帝旨以爲嚴父配天允合周道唐胄爭之曰三代之禮莫備于周郊祀后稷以配天宗祀文王于明堂以配帝至周成王之世未聞以嚴父配天之祭移于武王也臣謂明堂宜奉太宗配若獻皇帝得聖人爲子不待稱宗議配而專廟之享百世不遷矣疏入帝大怒下詔獄黜爲民

坊性狂誕熙旣卒家居貧乏思效張桂等以片言取通顯待命久之

無所進擢。歸家悒悒以死。人咸惡其畔父云。

秋八月。以禮部尚書顧鼎臣兼文淵閣大學士。預機務。時夏言當國。鼎臣入。恃先達。且年長。頗欲有所可否。言不悅。鼎臣遂不敢與爭。

九月。尊獻皇帝廟號曰睿宗。祔于太廟。

先是。帝命議稱宗祔廟之禮。集文武大臣于東閣。嚴嵩與羣臣議沮之。帝大不悅。者明堂或問難。嵩惶恐。盡改前說。條畫禮儀甚備。且言古者父子異昭穆。兄弟同世次。故殷有四君一世而同廟。宋太祖太宗同居昭位。前事可據。今皇考與孝宗當同一廟。奏上。羣臣無敢異議。至是。帝諭禮臣曰。獻皇帝躬備大德。延及朕躬。宜薦

宗稱。乃改太宗廟號爲成祖。尊獻皇帝廟號爲睿宗。遂奉睿宗主祔太廟。復配享上帝于元極寶殿。

冬十一月。上皇天上帝大號。

帝以獻皇帝旣稱宗配帝。乃躬詣南郊。上皇天上帝大號。恭進冊表。禮成。還詣太廟。加上高皇帝高皇后尊號。

是日。皇后助行亞獻禮。文武官命婦陪祀。嚴嵩奏慶雲見。請受羣臣

朝賀。又爲慶雲賦。及大禮告成。頌上之。帝悅。命付史館。

十二月。章聖皇太后蔣氏崩。諡慈孝皇后。

先是。帝營壽陵于大峪山。在昌平府西北。及是。太后崩。將奉獻

皇帝改葬焉。命駙馬都尉崔元尚書張瓚等爲奉迎禮儀使。已。帝親詣大峪相視。復令議奉太后南詣合葬。嚴

嵩等言。靈駕北來。慈宮南詣。共一舉耳。如初議便。帝意終未決。因止元等母行。而令指揮趙俊南往。啟視幽宮。于是親幸承天之議起。

李時卒。

諡文康。

時在閣。帝待之不如張孚敬。夏言。然頗少責辱。恩禮亦始終不替。及是卒。贈太傅。

己亥

十八年春二月。立子載壑。

帝第二子。

為皇太子。封載垕。

帝第三子。

即穆宗。

為裕王。載圳。

帝第四子。

為景王。

後之藩安陸。

起翟鑾為兵部尚書。行邊。

翟鑾始藉中官延譽。驟得輔政。繼謀復召交結閣臣。其非端人明矣。夏言自命仇直。何亦瞻徇私情。共相援引。可見當時所黨之局。

先是。鑾以憂歸。服闋。久不召。夏言顧鼎臣居政府。鑾與謀召已。及是。帝將南巡。欲謁顯陵。慮塞上有警。議遣重臣巡

年不可破言尚不免鼎臣
廟廟之輩大復何尤

視言等因薦鑾改兵部尚書節制諸邊

以曾子裔孫質粹

字好古吉安永豐人曾子五十九世孫

為世襲五經博士

張孚敬卒

孚敬卒于家帝至承天始聞之傷悼不已贈太師

孚敬剛明

果敢持身特廉痛惡賊吏一時苞苴路絕而性狠復報復相尋不護善類欲力破人臣私黨而已先為黨魁大禮大獄叢詬沒世顧帝始終眷禮廷臣卒莫與二嘗稱少師羅山而不名其卒也禮官請諡帝取危身奉上之

議特諡

曰文忠

帝如承天謁顯陵夏四月還京師

趙俊自承天還言顯陵不吉帝欲親詣承天周閱卜兆

九卿大臣許讚言怵等諫帝曰朕豈空行哉為吾母耳

乃命宣城伯衛鐔

華亭人

遂安伯陳鏞

巴人志三世孫

及顧鼎

臣等輔太子居守。遂如承天。夏言嚴嵩等扈從。

行次衛輝。夜四

更行宮火。從官倉猝不知帝所在。錦衣衛指揮使陸炳負帝出。御乘輿。帝自是愛幸炳。炳之先平湖人。後隸錦衣籍。炳母帝乳媪也。

三月。至承天。謁顯陵。命作新宮。曰待合葬也。越三日。享上帝于龍飛殿。奉睿宗配。秩于國社國稷。

徧羣祀。又三日。御龍飛殿受賀。

謁陵畢。嚴嵩請表賀。夏言請俟還京。帝報罷。意

大不懌。嵩知帝指。固以請。帝乃曰。禮樂自天子出。可也。令表賀。帝自是不悅言。詔赦天下。給復

承天三年。免湖廣田賦五之二。畿內河南三之一。歸過

慶都。

本漢望都縣。今改名。今仍舊屬保定府。

從臣請祀堯母墓。

在望都縣城內。帝

曰。帝堯父母異陵。可徵合葬。非古。既至京。復詣大峪審

視。曰。大峪不如純德。

本松林山。在鍾祥縣東北。以顯陵所在。故改名。

卒定南祔

之議。

彗星見。

五月夏言罷尋諭留之。

翊國公郭勛

勛以獻皇帝
耐廟進封公

得幸。害言寵嚴。嵩亦心妬言。

遂相與構之。會帝自承天還。復幸大峪山。言進居守勅。

稍遲。帝大怒。責言怠慢不恭。命還前賜銀章。

言前賜銀
章。文曰學

博才優得
密封言事

并累所降手勅。言惶懼謝罪。請免追銀章手

勅。爲子孫百世榮。詞甚哀。帝怒不已。疑言毀損。令禮部

追取。削言勲階。

言以祇薦皇天上帝冊表加少師。特進
光祿大夫上柱國。明世人臣無有加上

柱國者。言
所自擬也

令致仕。言乃以手勅四百餘。并銀章上之。居

數日。帝怒解。命止行。復諭入直。言疏謝。帝悅。諭令勵初

忠。秉公持正。免衆怨。言心知所云衆怨者。勛輩也。再疏

謝謂自處不敢後他人。一志孤立。爲衆所忌。帝復不悅。詰責之。惶恐謝。乃已。未幾。以所追銀章手勅還之。

復以梁材

字大用。南京金吾衛人。

爲戶部尚書。

材初長戶部。力祛宿弊。以忤權貴。失帝眷。及尚書李廷相罷。帝念材廉。廷臣亦交薦。召復原官。材三掌國計。砥節守公。如一日。帝嘗曰。尚書得如材者十二人。無憂天下矣。

六月。雷震奉先殿。

詔廷臣自陳。都御史王廷相

字子衡。儀封人。

奏曰。人事修而後

天道順。大臣法而後小臣廉。今廉隅不飭。賄賂公行。臣職憲紀。宜先罷斥。意蓋斥嚴嵩張瓚輩也。帝但諭留而

已。

秋。閏七月。葬慈孝皇后于顯陵。

河南饑。命戶部侍郎王杲

字景初。汶上人。賑之。

時河南災甚。杲請急發帑。詔齎臨清倉銀五萬兩以行。既至。復請發十五萬兩。全活不可勝計。

庚子

十九年春正月。翟鑾還京。復入閣。

鑾之行邊也。諸邊文武大吏俱櫜鞬郊迎。惟恐不得當鑾意。饋遺不貲。既事竣。歸裝千輅。用遺貴近。遂復以原

官入閣。

夏五月。詔勲戚子弟入監肄業。

司業王同祖

字繩武。崑山人。

言世祿之家。鮮克由禮。失教故也。

請勅公侯伯子弟未仕者悉入成均。侯學有可觀奏請敘廕。不率者糾治。從之。尋命已任事者亦送監肄業。于是少年勲戚爭以入學為榮矣。

秋八月殺太僕卿楊最。

字殿之射洪人

時帝好神仙給事中顧存仁

字伯剛太倉人

高金

石州人

王納言

信陽人

皆以直諫得罪。會方士段朝用以所煉白金器百

餘因郭勛以進。云以盛飲食物。供齋醮。即神仙可致也。

帝立召與語。大悅。朝用言帝居深宮。無與外人接。則黃

金可成。不死藥可得。帝益悅。即諭廷臣令太子監國。朕

少假一二年。乃親政。舉朝愕不敢言。最抗疏諫曰。陛下

春秋方壯。乃聖諭及此。不過得一方士。欲服食求神仙。

段朝用以神仙服食之說。帝聽希榮實踵五利文成。故智至勸其深居無接外人。則又呂用之所以欺高。駢者其情益不可測。嘉靖受其蠱惑。遂欲少假靜持。不念天位凝承。乃欲如方士導引延年。自比于深山。

修煉之舉其愚已甚。且太子無端監國。尤駭聽聞。而一二年脫屣朝綱。更復成何景象。其議雖旋罷。而以此竟殺直臣。不自知其過。舉實噴鄙耳。

耳。夫神仙乃山棲澡鍊者所為。豈有高居紫闥。衮衣玉食。而能白日翀舉者。臣雖至愚。不敢奉詔。帝怒。立下詔。

獄。杖殺之。監國議亦罷。

明年。朝用伏誅。隆慶初。贈最副都御史。諡忠節。

九月。劉天和敗濟農于黑水苑。

在固原州西。

斬其子錫沙王。

舊作

小十王。今改。

濟農連年入寇。邊將禦之。屢被殺傷。是年七月。寇萬全。

右衛總兵官白爵逆戰。再敗之。至是。復入固原。剽掠且。

饜。會淫潦。弓矢盡膠。無鬪志。而諸將多畏縮。天和斬指。

揮二人。召故總兵官周尚文。

尚文。優將材。負氣桀傲。所至與文吏競。文吏又往往。

挫折之。以故。彌不相得。巡撫賈啓劾尚文老悖。遂革任。

尚文。字彥章。西安後衛人。

激令立功。尚

文盡銳奮擊之。黑水苑。斬濟農子錫沙王。寇遁走。寧夏。

巡撫楊守禮

字秉節。蒲州人。

總兵任傑等復邀擊于鐵柱泉。

在

州花馬池西南有泉百步。明時以寇入必飲馬于此。築堡守之。

敗之。進天和南京戶部

尚書以守禮總督軍務尚文復都督同知

冬十月顧鼎臣卒

諡文康

鼎臣素柔媚其居政府謹事夏言不能有為及是卒贈太保

辛

丑二十年春二月下監察御史楊爵

字伯珍。富平人。于獄

時帝經年不視朝日事齋醮工作煩興歲頻旱元日微雪夏言嚴嵩作頌稱賀爵撫膺大息上疏言今天下大勢如人衰病已極腹心百體無不受患猶且奔競成風賄賂公行遇災不憂非瑞稱賀邪佞日親諍臣日遠此

大憂也。因歷陳諸弊。其一。以郭助奸蠹。任用肆毒。其二。

御希簡。經筵曠廢。其四。以崇信方術。濫加保傳。其五。以阻抑言路。忠盡杜口。詞俱切直。帝震

怒。立下詔獄。撈掠血肉狼籍。死一夕復甦。獄卒以帝意

不測。屏其家人。不納飲食。屢瀕于死。處之泰然。主事周

天佐。字子弼。晉江人。御史浦鉉。字汝器。文登人。疏救。先後死獄中。自是

無敢言者。天佐與爵無生平交。入獄時。爵第隔屏相訊而已。比三日。天佐不勝楚。遂死。屍出獄。大興

民有祭而哭之。慟者。或問之曰。吾哀其忠之至而死之酷也。鉉方病。入獄。被杖百。復錮以鐵柙。爵迎哭之。鉉息

已絕。徐張目曰。此吾職也。子無然。後數日卒。隆慶初。天佐贈光祿卿。鉉贈光祿少卿。

夏四月。置安南都統使司。

毛伯溫等督師至廣西。傳檄諭莫登庸。能束身歸命。即

待以不死。登庸乃率從子文明及諸部目。入鎮南關。在廣

西太平府憑祥州西南左右石山高。上土地軍民籍請
插雲表。設關建城。爲安南入貢之道。

奉正朔。永爲藩臣。伯溫承制許之。納其圖籍。權令還國
聽命。疏聞。帝大喜。詔收安南國爲安南都統使司。授登
庸都統使。更十三道爲十三宣撫司。各設同知。副使。僉
事。聽都統黜陟。三歲一貢以爲常。併令覈黎寧真僞。如
果黎氏後。割所據四府。俾奉祀事。否則已之。伯溫受命
歲餘。不發一矢而安南定。由帝本不欲用兵故也。

九廟災。

五月。以兵部侍郎王以旂

字士招。江寧人。

總理河漕。

時黃河南徙。決野鷄岡。

在歸德府睢州北。

由渦河經亳州入淮。

舊決口俱塞。徐呂二洪竭。漕舟膠。總河郭持平久治不

效乃命以旂督理。以旂言。黃河遷徙不常。不能借以濟運。宜濬山東諸泉。入野鷄岡。新開河道。以濟徐呂。而築長堤沛縣以南。聚水如牕河制。從之。

秋八月。昭聖皇太后張氏崩。

諡孝康皇后。

夏言罷。九月。郭勛以罪下獄。冬十月。言復入閣。

言勛交惡日甚。九廟災。言方以疾在告。自陳乞罷。不允。昭聖太后崩。詔問太子服制。言報疏有譌字。帝切責言。言謝罪。且乞還家治疾。帝益怒。令致仕。及將出都。詣西苑齋宮叩首謝。帝憐之。俾還私第治疾。俟後命。時勛以言官重劾。給事中戚賢等劾勛擅作威福。網利虐民。亦引疾在告。京山侯崔元新有寵。直內苑。忌勛。帝從容問元。言勛皆朕股肱。相

郭勛縱恣妄行稔惡已久
言官豈無見聞何前此禁
無一語及揣知勛之上官
潛移卽爾紛紛補牘陽博
不畏彌望之名而陰行揣
摹取巧之術明代諫垣雖
有實出伉直者而似此猥
鄙者正復不少

如何也。元不對。帝問言歸何時。曰：俟聖誕後，乃敢請。又

問勛何疾。曰：勛無疾。言歸卽出耳。帝領之言，官知帝眷

言惡勛，因共劾勛。勛辨語諄諛。先是，帝給勛勅，與兵部

役勅具，勛久不領，言官劾之。帝怒，責勛無人臣禮，給事

中高時。浙江臨安人。因盡發勛貪縱不法十數事，遂下勛錦

衣獄。復詔言入直，方言在告時，閣事多取裁決。及治勛

獄，排根批牴，悉其指授，朝士方惡勛，不以咎言也。勛下獄後，

帝念其曾贊大禮，諭鎮撫司勿加刑訊，奏上。當勛罪斬，

帝以奏當不明，令法司覆勘。法司更當勛不軌罪，斬沒

入妻孥田宅，奏上。留中不下。帝意本欲寬勛，屢示意指，

而廷臣惡勛，繆爲不喻指者，更坐重辟。久之，勛竟死獄

十一月葬孝康皇后

壬寅二十一年夏六月諳達寇山西

先是諳達遣使款大同詔却之諳達與濟農遂分道入

犯及是復遣使求貢大同巡撫龍大有茶陵州人誘縛之詭

言用計擒獲詔磔于市敵怒入掠朔州以下注俱見前抵廣武

由太原南下沁汾復從忻崞而北屯祁縣叅將張世忠

等戰死敵遂從雁門故道而去未幾濟農死其子朗台

吉舊作狼台吉今改後仿此等散處河西勢分諳達獨盛歲數擾邊

秋七月己酉朔日食

夏言罷八月以禮部尚書嚴嵩兼武英殿大學士預機務

言再罷再相帝雖優禮然恩眷已不及初帝以奉道嘗

御香葉冠因刻沉水香冠五賜言等言以非人臣法服

言經國不如冠準而疎
脫畧相似其援引嚴嵩亦
狃準之遇丁謂卒致為所
擠陷情事復同小人反噬
固不足道然謂之姦狡易
見嵩之柔和難窺且準僅
以拂鬚微詞或隙而言再
相後至以盛氣凌嵩嵩始
双隸無怪得响之更烈也

不奉詔帝怒甚嵩因召對冠之籠以輕紗帝見益內親

嵩而欲去言嵩因傾之嵩與言同鄉科第先言而位下

目代以門客畜之嵩恨甚嘗置酒邀言躬詣其第言辭

不見嵩布席展所具啟跪讀言謂嵩實下已不疑也言

既失帝意懼斥呼嵩與謀嵩已潛造陶仲文第謀齟言

代其位言知甚愠諷言官劾嵩帝方憐之不聽也兩人

遂大郊嵩因燕見頓首雨泣懇言見凌狀帝使悉陳言

罪嵩遂振暴其短陶仲文方士初名典真黃岡人

會日食既帝手詔以為下慢上之咎落言職閑住言既

去醮祀青詞非嵩無當帝意者遂代言入閣嵩時年已

六十餘不異少壯朝夕直西苑板房未嘗一歸洗沐帝

謂其勤益信之嵩無他才畧惟一意媚上竊權罔利帝

因事激帝怒戕害人以成

其私誅斥者不可勝計云

九月作雷壇錮工部員外郎劉魁

字煥吾泰和人于獄

金英謀逆一事嘉靖既宿曹妃宮則妃自不得辭不謹之愆若竟謂其與婢同謀則無此情理蓋金英卽肆兇謀勢必慮人聞見彼走告者烏從遽知且其人亦必同係曹妃宮婢當此危懸呼吸救難刻遲乃不近白妃而遠白后其爲構

帝用陶仲文言。建雷壇于太液池西。所司希帝意。務宏侈。程工峻急。魁欲諫。度必得重禍。先命家人鬻棺以待。遂上章曰。頃營大享殿。大高元殿。工費以億萬計。土木衣文繡。匠作班朱紫。道流所居。擬于宮禁。國用已耗。民力已竭。而復爲此不經之事。非所以示天下後世。帝震怒。杖于廷。錮之詔獄。

冬十月。宮婢楊金英謀逆。伏誅。殺端妃曹氏。

帝宿曹妃宮。宮婢楊金英伺帝熟寢。以組縊帝項。未絕。有走告皇后者。后馳救得甦。后命內監張佐等捕宮人雜治。言王寧嬪實首謀。又言端妃亦與知。時帝病悸不能言。后傳旨收端妃。寧嬪及金英等悉磔于市。久之。帝

昭顯然方后復乘嘉靖疾
悸之時輒收妃嬪與逆婢
駢誅滅口謂非后之妬害
其誰信之然其致此大變
則由嘉靖不德明祚將傾
彭亡徵先見耳

不若原不其年重
卷之二十一

始知妃冤

癸卯二十二年春正月丙午朔日食

秋九月逮巡按山東御史葉經字叔明上虞人杖殺之

嚴嵩與經有宿憾經在禮部以秦晉二藩宗人襲封事受重賄經發之彌縫得免故恨經

及是經按山東監鄉試試錄上嵩指發策語為誹謗激

帝怒下禮部參論尚書張璠字崇象石首人等阿旨請速考試

官周鏞提調布政使陳儒及經等并治嵩密言試事盡

由御史帝乃降旨斥文中語為狂悖經杖八十為民創

重卒鏞儒等謫官由嵩報復也嵩借事殺異已自經始先是嵩相

甫踰月御史謝瑜字如卿上虞人劾之比之四凶請急誅斥

帝雖譙讓瑜然未深罪嵩亦以初得政未敢顯為擠陷

故瑜得居職如故。及經杖死。嵩益發舒。其後劾嵩者。希

得免矣。

瑜後以大計。嵩囑主者黜之。遂除名。于是給事中王勰。沈良材。陳璚。御史喻時。陳紹。及山西巡

撫童漢臣。福建巡按何維栢等。相繼得罪。皆並瑜劾嵩

者也。王勰。字韜孟。金壇人。沈良材。泰州人。陳璚。餘姚

人。喻時。光山人。陳紹。上虞人。童漢

臣。錢塘人。何維栢。字喬仲。南海人。

冬十月。朶顏入寇。

攻圍慕田峪。

在昌平州北。有關口。

殺守備陳舜。副總兵王繼祖等

往援。乃退。

甲辰

二十三年。秋八月。翟鑾罷。

嚴嵩入閣。鑾以資地居其上。嵩惡之。嗾言官劾其子蜚

緣舉進士。遂斥為民。

鑾子汝儉。汝孝。與其師崔奇勛所視焦清。同舉進士。嵩屬給事中王

交等。劾其有弊。帝怒。下吏部都察院。鑾疏辨。帝益怒曰。鑾被劾待勘。敢先瀆擾邪。二子縱有才。何至與其師並

進勒鑾父子奇勛清
及分考官等皆為民

九月以吏部尚書許讚兼文淵閣大學士禮部尚書張壁
兼東閣大學士並預機務

時大權一歸嚴嵩讚壁不得預票擬讚常嘆曰何奪我
吏部使我旁睨人因屢乞休

冬十月諸達入寇

明史世宗本紀作小王子
翟鵬傳作諸達今依鵬傳

諸達自萬全右衛毀牆入掠蔚州直抵完縣京師戒嚴

命逮總督宣大兵部尚書翟鵬

字志南撫
寧衛人

巡撫薊鎮都

御史朱方下獄

鵬在朔州聞警夜半至馬邑調兵食復
趨渾源遣諸將遏敵言官劾其逗遛致

震畿輔遂遣官械鵬而以侍郎張漢代之方以建議撤
諸路防秋兵致敵乘間入犯亦命逮繫鵬坐承成方杖

死渾源五季唐縣元改州
今州屬大同府長漢種祥人

十一月。加方士陶仲文少師。

仲文由吏員需次京師。故與邵元節善。元節年老。宮中黑眚見。治不效。因薦仲文。以符水喫劍。絕宮中妖。被寵

幸。尋授少保禮部尚書。未幾加少傅。至是大同獲間諜。

帝歸功上元。加仲文少師。仍兼傅保。後復以禱雨功封

恭城伯。帝自二十年遭宮婢之變。移居西內。日求長生。郊廟不親。朝講盡廢。君臣不相接。獨陶仲文得

時見。見輒賜坐。稱之為師。而不名。于是小人顧可學。盛端明。朱隆禧輩。皆緣以進。可學無錫人。端明饒平人。

隆禧。崑山人。

乙巳二十四年夏五月壬戌朔日食。

六月重建太廟成。

建殿九間。仍復舊制。同堂聚享。位皆南向。太祖居中。左四序。成宣憲

肅。右四序。仁英孝武。其後爲祧廟。以藏祧主。

秋八月。張璧卒。

諡文簡。

九月。召夏言復入閣。

帝微覺嚴嵩貪橫。復召用言。言至。復盛氣陵嵩。出其上。

凡所批答。畧不顧嵩。嵩噤不敢吐一語。所引用私人。言

多斥之。亦不敢救。銜刺骨。而言以廢棄久。務張權。所譴

逐亦不盡當。御史陳其學。以鹽法事劾崔元。及錦衣都

督陸炳。言擬旨令陳狀。皆造言請死。炳行三千金求解。

不得。長跪泣謝罪。乃已。二人與嵩比而構言。言不悟。

楚世子英耀弑其父顯格。伏誅。

英耀性淫惡。烝楚王宮人。又使卒劉金。納妓別館。王欲

陸炳等恃寵橫行。致爲言官劾奏。夏言擬旨令其陳狀。乃朝廷公法。所存豈造請平求可免。至炳公然行金求解。則尤藐視王章。言卽當以其賄乞之情。露章舉發。顧因其長跪泣謝。竟

獲保全言雖力却包首而
徇私意以市恩廢法又豈
得謂之公正自持者耶

罪金金遂勸英耀謀逆。會元夕後。張燈置酒饗王。別宴

武岡王顯槐。顯槐弟。于西室。酒半。金等從座後。以銅爪擊

王腦。立斃。顯槐驚救。被傷得免。英耀徙王屍宮中。以中

風報王從者。抉門出告變。撫按官以聞。帝命駙馬都尉

鄔景和。崑山人。尚孝宗女永福公主。等往鞫。得實。及是。詔逮入京。告

太廟。磔于市。焚尸揚灰。逆黨悉伏誅。

冬十一月許讚罷。

讚求去。帝責其忘君愛身。落職閒住。讚歸三年卒。尋復其官。追諡文簡。

丙午二十五年春正月。謫御史周冕。資縣人。為通海縣。元置。今屬雲南。

臨安府。典史。

時太子生十一年。尚未出閣講學。冕極言豫教不可緩。

帝怒。謫之。

三月。四川白草番

注見前。

亂。遣何卿

成都衛人。

充總兵官。討平之。

卿初鎮松潘十七年。威望素著。會以北警。召卿入衛。至

是。番人亂。復命卿往討。卿至。將士咸喜。乃會巡撫張時

徹

字惟靜。鄞人。

討擒賊渠。俘斬千計。克四十餘寨。毀其礮房。

獲馬牛器械無算。久之。賊盡平。

在明年四月。

于是松潘威茂

間。行旅往來。無剽奪患。邊境安堵。

夏四月。以兵部侍郎曾銑總督陝西三邊軍務。

是秋。諸達以十萬騎。西入延安。慶陽。銑率兵數千駐塞

門。

砦名。在延安府安塞縣北。

而遣前參將李珍

陝西人。坐事奪官。銑復加錄用。

擣巢

于馬梁山

在榆林府北。

後。敵始退。

秋八月。天鼓鳴。

冬十月。故建昌侯張延齡棄市。

初延齡下獄後。奸人劉東山發其手書。有君道賞罰不明字。延齡復加訕上罪。長繫如故。至是竟斬西市。

丁未二十六年夏四月。諳達求貢。拒之。

自龍大有誘執虜使後。諳達連歲犯邊不已。及是奉印信番文。詣邊陳款。總督侍郎翁萬達

字仁夫。揭陽人。

以聞。時萬

達方修築邊牆。因再疏言。自冬涉春。虜使屢至。其詞益

恭。似宜允許。況今版築方興。正當羈縻。使無侵擾。帝責

其罔瀆。不聽。萬達在邊。帝深倚任。所奏無不聽納。嘗議

撤山西內關

雁門。寧武。偏頭。諸關。

兵。併力守禦大同外邊。巡撫孫

繼魯

字道甫雲南右衛人

力陳不可。帝納萬達言。遂逮繼魯下獄。

死。

繼魯先知淮安府。以忤中官被逮。夏言救免。繼魯不謝。言怒。及是。言不為地。遂死獄中。

獨議諳

達貢事。與帝意左。再被責讓。蓋是時曾銑建言復套。夏

言主之。故力紉貢議云。

銑素喜功名。會寇居河套。久為中國患。上言。賊據河套。侵擾邊

敵騎近。河套資畜牧之利。出入自如。久為邊患。曾銑首議復套。自屬籌邊要着。其所條列。亦其中機宜。銑鷹犬。疆場意在秣馬厲兵。以恢復。圖自任。豈得咎其好大喜功。當時廷臣心懷怯懦。不肯一矢加遺。論貢論封。毫無主見。轉以銑之銳志出師為非計。當嘉靖意方向銑尚爾紛起。執持廷朝局中。更遂以銑為跋扈。會功沉寃西市。君

鄙。今將百年。出套則寇宜大。三關以震畿服。入套則寇延寧。計固以擾關中。深山大川。勢固在彼。而不在于我。臣枕戈汗馬。切齒痛心。竊嘗計之。秋高馬肥。弓勁矢利。彼聚而攻。我散而守。則彼勝。冬深水枯。馬無宿藁。春寒陰雨。壤無燥土。彼勢漸弱。我乘其弊。則中國勝。臣請以銳卒六萬。益以山東鎗手二千。每歲春夏交。携五十日餉。水陸並進。直搗其巢。材官騶發。礮火雷擊。如是三舉。則寇自不能支。此一勞永逸之策也。遂條入議。以進。帝壯其言。命諸邊臣議之。俱以為難。而萬達尤以橫挑強寇為非計。帝方嚮銑。議上不省。

秋七月。河決曹縣。

水入城二尺。漫金鄉魚臺。定陶。城武。衝穀亭。

鎮名。在魚臺縣東。明

若臣苟且畏難之習終于
不可挽回國勢何由克振
乎

時為漕運往來要地。隆慶後。運河東徙。鎮遂廢。河臣詹瀚請于趙皮寨在開封府蘭陽

縣北一名張錄口穿支河以分水勢。從之。

冬十一月。大內火。釋楊爵等于獄。

初。爵既下獄。工部員外郎劉魁給事中周怡字順之。太平縣人。

並以言事同繫。三人屢瀕死。請誦不輟。爵于獄中著周易辨說。中庸解。忘其困。歷五年

不釋。久之。有神降于乩。帝感其言。立出三人。未踰月。尚

書熊浹疏言乩仙之妄。帝怒。命東廠追執爵等。爵抵家甫十日。

校尉至。與共麥飯。畢。即就道。尉曰。盍處置家事。爵竟去。不顧。觀者泣下。復同繫鎮撫獄。桎

梏加嚴。飲食屢絕。至是大高元殿災。帝禱于露臺。空中

若有所聞。遂傳詔釋之。爵居家二年卒。隆慶初。贈光祿卿。諡忠介。

皇后方氏崩。諡孝烈皇后。

戊申二十七年春正月夏言罷

言素慷慨以經濟自許。會曾銑議復河套。欲倚以成大

功。因密薦銑。謂羣臣無如銑忠者。銑鳩兵繕塞。輒破敵。

帝亦頗嚮之。令言擬旨優獎者再。銑喜。益銳志出師。條

上方畧。廷議一如銑言。帝忽中變。降旨詰責。詞甚厲。今

逐賊河套。師果有名否。兵食果有餘。成功可必否。一銑何足言。如生民荼毒何。嚴嵩知帝意。遂

極言河套必不可復。廷臣亦盡反前議。如嵩說。嵩乃力

攻言。謂向擬旨褒銑。臣皆不與聞。言始大懼謝罪。且云。

嵩初未嘗異議。今胡乃盡委于臣。帝已入嵩譖。怒不可

解。盡奪言官階。令言致仕。初言與嵩同直西苑。帝數使

視之。其詣嵩。嵩必延坐。親納金錢袖中。以故日譽嵩。而短言。言進青詞。取具而已。往往失帝旨。嵩聞愈精進。其

事。由是嵩益被寵。而言眷漸移。及套議起。嵩復從中陰詆之。以激帝怒。言遂收。

三月殺總督侍郎曾銑

兵部侍郎萬總

字平甫。濟陽人。

等劾銑罔上貪功。擅開邊釁。逮

下獄。出兵部尚書王以旂代之。先是。咸寧侯仇鸞

銑之子。

鎮甘肅。以貪縱為銑所劾。遂逮問。嚴嵩雅親鸞。至是代

鸞獄中草奏。誣夏言納銑金。

銑所善同邑蘇綱言。繼妻父也。方銑建議復套時。綱

亟稱之。言益信銑為可辦。因力主其議。及是。嵩代鸞誣奏。銑剋餉鉅萬。屬綱賂言。交關為奸利。法司承

帝旨。坐銑交結近侍律。斬西市。妻子流二千里。並逮言

下吏。出鸞于獄。

銑有膽畧。長于用兵。性特廉。既歿。家無餘貲。隆慶初。贈尚書。諡襄愍。

夏五月葬孝烈皇后于永陵

在昌平州陽翠嶺。

詔曰。皇后比救朕危。奉天濟難。其以元后禮葬。預名葬

地曰永陵。

冬十月。京師地震。

冬十月。殺前華蓋殿大學士夏言。

言抵通州。聞銑所坐。大驚墮車。曰。噫。吾死矣。上疏訟冤。

言鸞方就逮。上降諭。不兩日。鸞何以知。蓋嚴嵩與崔元

輩。詐為鸞疏。以傾臣。嵩靜言庸違。似共工。謙恭下士。似

王莽。奸巧弄權。父子專政。似司馬懿。臣生死係嵩掌握。

惟聖慈曲賜保全。帝不省。獄成。論死。法司援議貴議能

條以上。帝怒。切責之。猶言及前不戴香冠事。會諸達寇

居庸。嵩謂夏言等收河套。故報復至此。遂棄言市妻蘇

氏。流廣西。從子主事克承。從孫尚寶。承朝慶皆削籍。言

嚴嵩居心陰賊。言久墮其術中而不覺。非特仇鸞之疏。由于嵩所詐。為即前此復套之議。中變亦安知非嵩先恣愚以陰售其奸。追窺見意旨遂從而下石乎。至法司為言援請寬釋。益觸嘉靖之怒。因及不戴

香冠事或疑嘉靖本意在
殺言豈知不戴香冠亦由
嵩以籠紗獻媚有意相形
以釀成其罪小人傾險巨
測乃至是哉

邁有俊才。縱橫辨博。人莫能屈。初被特錄。日與議。禮部
貴人抗。及居政府。與嵩共事。嵩懷奸黷。言獨能裁抑
之。以是天下多稱言者。然自大用後。日蹙傲。浸為帝所
厭。裁決機務。頗專恣。物議不悉協。特因其為嵩誣陷
以死。人方惡嵩。故于言益深
惜之。隆慶初。復官。諡文愍。

己酉二十八年春二月。以張治字文邦。茶陵州人。為禮部尚書兼文

淵閣大學士。李本餘姚人。為少詹事兼翰林院學士。入內閣。

並預機務。

夏言得罪死。嚴嵩遂獨相。至是。治本以疎遠入閣。治自南京

吏部益不敢預可否。嘿嘿而已。

諳達寇宣府大同。總兵官周尚文擊敗之。

敵犯宣府滴水崖。在宣化府赤城縣東南。石崖滴水。把隆冬不凍。崖之北有堡。為戍守處。

總江瀚指揮董暘戰死。全軍覆。遂犯永寧。明縣。永樂中置。今省。故城

在宣化府延慶州
東有都司駐此

尚文力戰敗之斬其魁尚文清約愛

士善用間知敵中曲折故戰輒有功嚴嵩父子以宿憾

尚文初僉後府嵩子世蕃為府都事驕蹇謀傾陷之帝
不法將劾之嵩謝得免以故銜尚文刺骨

方藉以抗疆敵故讒不得入未幾卒嵩格卹典不予給

事中沈東

字宗安會稽人

以為言嵩激帝怒錮之詔獄

哀繫獄十八年

其妻張氏上書言臣夫家有老親年已八十有九哀病
侵尋朝不計夕臣妾欲歸奉舅則夫之饘粥無資欲留
養夫則舅又旦夕待盡轉轉思維進退無策臣願代夫
繫獄令夫得送父終年仍還赴繫實惟陛下莫大之德
法司亦為請帝終不許帝深嫉言官以廷杖遣戍未足
遏其言乃長繫以困之而日令獄卒奏其語言食息謂
之監帖或無所得雖諸語亦以聞一日鵲噪于東前東
謾語曰豈有喜及罪人邪卒以奏帝忽心動釋東還家
其父已前死矣隆慶初起故官不赴卒于家周尚文追贈太傅諡武襄

三月辛未朔日食

皇太子載壑卒。

秋七月倭寇浙東。

初倭雖通貢而瀕海州縣數被侵掠。

倭自永樂末貢使不至宣德中命琉

球國王轉諭之使復至倭性黠時載方物戎器出沒海濱得閒則張戎器而肆攻掠不得則陳方物而稱朝貢

然利中國互市每貢所攜私物逾貢數十倍舊制于浙

江設市舶提舉司駐寧波海舶至則平其直制馭之權

在官及帝初年廢市舶不設。

市舶司舊以中官主之會倭使宋素卿宗設數輩至。

互爭真偽素卿本中國人逃入倭太監賴恩納其金右之宗設怒遂相鬪殺大肆焚掠而去事聞詔逮素卿及

恩并治遂撤市舶議者謂當罷者中官非市舶也然卒罷之。

濱海奸人遂闌出中國

財物與倭交易居寧波之雙嶼爲之主屢負倭直已而

嚴通番之禁。

倭使互市往往留海濱不去內地諸奸多爲之囊橐巡按御史高節請嚴禁奸豪交

明代倭患中于東南蔓延
塗炭勞兵力者幾數十年
然其得盤踞海濱皆由內
地奸民潛行勾引朱統南
泄浙閩印捕交通者以便
宣行戮深得平寇機宜乃
大姓因失利流言周亮陳
九德等復肆加詆劾朝廷
不察轉行按治致統仰藥
自裁措置之顛倒實甚設
此時不為掣肘俾得從容
展布盡絕根株又何致海
氛之益熾乎

通得旨

允行。遂移之貴官勢家。負直愈甚。倭糧匱不得返。大

怨恨。奸民勾之。遂煽為亂。朝議設重臣巡撫浙江。兼統

福建沿海諸府。以都御史朱統

字子純。長洲人。

為之。統至。嚴為

申禁。獲交通者。不俟命。輒以便宜斬之。由是浙閩大姓

素為倭內主者。失利而怨。統又數騰疏于朝。顯言大姓

通倭狀。閩浙人咸惡之。而閩尤甚。巡按御史周亮閩人

也。上疏詆統。請改巡撫為巡視。以殺其權。其黨在朝者

左右之。竟如其請。御史陳九德復劾統擅殺。

賊渠閩人。黎光頭。數

為倭主。已復引佛郎機行劫。

遣官按問。罷統職。統仰藥

死。自是海禁復弛。亂益滋甚。

時海上承平日久。民不知兵。聞倭至。竄走一空。終帝

之世。迄無寧歲。

九月朶顏三衛犯遼東。

庚戌二十九年秋八月諳達犯京師。

先是夏六月諳達犯大同總兵官張達副總兵林椿戰死敵引去傳箭諸部大舉至是循潮河川南下至古北口都御史王汝孝率薊鎮兵禦之敵陽引滿內嚮而別遣精騎自間道潰牆入汝孝兵潰遂大掠懷柔圍順義

長驅至通州營白河東

時巡按御史王忬奏言潮河川有徑道一日夜可達通州因疾

馳至通爲守禦計盡撤舟楫之在東岸者夜半寇果大至阻白河不得渡王忬字應民太倉人分兵

剽昌平犯諸陵殺掠不可勝紀京師戒嚴詔各鎮勤王

分遣文武大臣各九人守京城九門急集諸營兵僅四

五萬老弱半之

是時禁軍冊籍皆虛數又半役內外提督大臣家不歸伍在伍者亦涕泣不敢

前從武庫索甲仗主庫閹人勒常例不時發久之不能軍詔城中居民及四

方入應武舉者悉登陴守命都御史商大節字孟堅率

五城御史統之發帑金五千兩令便宜募壯士時寇已

自通州渡河而西前鋒七百騎駐安定門外教場遂薄

都城會大同總兵官仇鸞巡撫保定都御史楊守謙字允

亨徐州人各以兵至帝拜鸞大將軍節制諸路兵馬守謙為

兵部侍郎提督軍務時勤王兵先後五六萬人皆聞變

即赴未齎糗糧制下犒師牛酒諸費皆不知所出戶部

文移往復越二三日軍士始得數餅餌益饑疲不任戰

帝久不視朝軍事無由面白廷臣多以爲言不許禮部

尚書徐階復固請乃許之羣臣昧爽入至日晡帝始御

敵壓郊實家國安危所
係嚴嵩身居政府巨宜急
籌勦寇之方以安都邑乃
詔旨方督趣進兵而嵩竟
視同隔膜阻撓出師惟慮
輦下失利之難以彌縫倖
其飽而颺去罔上縱敵喪
盡喪其罪殆視贖貨攬
權而更重至丁汝襲受指
使而按兵不舉楊守謙托
持重而臨陣不前其駢服
上刑情罪惟允嵩獨得倖
逃憲綱亦未聞廷臣糾劾
及之非特國紀凌夷言路
諸臣亦豈能辭咎耶

奉天殿不發一詞。但命階奉敕諭。切責百官。而趣諸將

戰甚急。兵部尚書丁汝襲

字大章。話化人。

以谷嚴嵩。嵩曰。塞上

敗。可掩也。失利輦下。上無不知。誰執其咎。寇飽。自颺去

耳。汝襲因不敢主戰。且承嵩意。戒諸將勿輕舉。守謙以

孤軍薄諳達營而陳。無後繼。亦不敢戰。于是諸將皆堅

壁。不發一矢。輒以汝襲及守謙為辭。寇遂燬城外廬舍。

火光燭天。亦莫能救。

城西北隅。內臣園宅在焉。環泣帝前曰。將帥為文臣制。故寇得至此。

帝怒守謙益甚。

寇縱橫內地。凡八日。本無意攻城。且所掠已過

望。乃整輜重。將趨白羊口。

在昌平州西。有城。亦曰白楊。

而去。仇鸞尾

之。寇猝東返。鸞兵潰。死傷千餘人。寇遂徐由古北口出

塞。諸將收斬遺屍。得八十餘級。以捷聞。帝優詔慰鸞。加

太保賜金幣汝襲守謙棄市帝將大行誅以懲後汝襲

不令公死及見帝帝怒甚竟不敢言汝襲臨死始知為

嵩所賣守謙性遲重客有勸之戰者應曰周亞夫何人

乎客曰公誤矣今日何得比漢法守謙不納竟得罪方

寇薄通州時詔副都御史王儀以兵二千往守巡按王

儀奏其虐大同軍大同軍者仇鸞兵也及寇退帝立命

逮儀斥為民而擢忬僉都御史代之王儀字克敬文

人

謫諭德趙貞吉字孟靜內江人為荔波典史

方諳達薄都城以謾書求貢詔百官集議貞吉奮袖大

言曰城下之盟春秋恥之既許貢則必入城倘要索無

寇薄城下諸將不發一矢
下詔集議百官不發一語
朝廷可謂無人貞吉獨奮
袖大言尚知以國事為念
氣槩亦復凜然可取且承
勅即馳入營中勞軍頗能
慷慨任事雖所陳錄尚文
釋沈東迂濶而無當急圖
然其言亦不足深罪乃嘉
其方壯其志而遷官旋怒

其游說而杖謫何前後頓
或矛盾徒以柄臣嫉惡致
賞罰移于俄頃之間太阿
誰寶操之而漫無主持若
此

發一語獨聞貞吉言心壯之召入左順門令手疏便宜
立擢諭德兼監察御史奉勅宣諭諸軍給白金五萬兩
聽隨宜勞賞嚴嵩心惡之先是貞吉廷議罷盛氣謁嵩
趙文華至謂貞吉日公休矣天下事當徐議之貞吉厲
聲曰汝輩安知天下事嵩聞之大恨趙文華慈谿人
會撰勅不令督戰以輕其權且不予一卒護行時寇騎
充斥貞吉馳入諸將營散金犒士宣諭德意明日即復
命帝怒謂貞吉漫無區畫徒為周尙文沈東遊說下獄
廷杖謫荔波典史

九月以仇鸞總督京營戎政

吏部侍郎王邦瑞

字惟賢宜陽人

攝兵部事以營政久弛上疏

論之

畧曰國初京營勁旅不減七八十萬自三大營變
為十二團營又變為兩官廳雖浸不如初然額軍

常三十八萬有奇。今武備積弛。見籍至十四萬。而操練者。不過五六萬。比寇騎深入。戰守俱困。此其弊不在逃亡。而在占役不在軍士。而在將領。蓋提督以下諸官。多世胄。統袴平時占役營軍。以空名支餉。臨操則集市人呼舞博笑而已。帝是其言。于是悉罷團營兩官廳。復三乞遣官精核。

帝是其言。于是悉罷團營兩官廳。復三大營舊制。設戎政府。以仇鸞統之。邦瑞協理。鸞方貴幸。

請選各邊兵。更番入衛。分隸京營。塞上有警。主將不得

徵集。由是邊事益壞。

鸞欲節制邊將。罷築蘇鎮邊垣。邦瑞皆以爲不可。鸞大憾。遂肆讒搆。

會邦瑞陳安攘大計。被旨落職。鸞死。踰十年始復官。

廢鄭王厚烷

懿王祐子。

爲庶人。

帝修齋醮。諸王爭遣使進香。厚烷獨上居敬窮理克己。

存誠四箴。演連珠十章。以神仙土木爲戒。帝怒。下其使

者于獄。已而故盟津王見恣。

祐釋之叔。

子祐楷。訐厚烷謀不

軌。初。兄。濞。以。罪。革。為。庶。人。至。是。祔。禧。求。復。郡。王。爵。怨。遣。厚。烜。不。為。奏。遂。承。帝。怒。撫。厚。烜。四。十。罪。以。叛。逆。告。

官往訊無左驗。帝下詔數厚烜驕慢無禮。廢為庶人。幽

之鳳陽。厚烜世子載堦。篤學有至性。痛父非罪見繫。築

上室宮門外。蓆藁獨處者十九年。隆慶初。厚烜復。爵。載。堦。始。入。宮。

削刑部郎中徐學詩。字以言。上虞人。籍。

先是諳達既退。詔廷臣陳制敵之策。諸臣多掇細事以

應。學詩憤然曰。大奸柄國。亂之本也。亂本不除。能攘外

患哉。即疏劾嚴嵩。累曰。外攘之備。在于內治。內治之要。在于端本。今大學士嵩。輔政十載。奸

貪日甚。內結勲貴。外比羣小。文武遷除。悉要厚賄。致此。輩倍克軍民。釀成寇患。國事至此。猶敢謬引佳兵。不祥

之說。以謾清問。近因都城有警。密輸財賄南還。大車數。十乘。樓船十餘艘。水陸載道。駭人耳目。舉朝莫不歎憤。

而無一人敢言之者。誠以內外盤結。上下比周。積久勢。成。而其子世蕃。又內狡成性。擅執父權。凡諸司章奏。必

先關白。然後上聞。掩罪飾非。乘機搆隙。故凡論之者。雖不能顯禍之于正言直指之時。莫不假事因人。陰禍之于遷除考察之際。天下痛心。視為鬼域。伏願陛下。帝覽罷嵩父子。別簡忠良。則內治既清。外患自寧矣。

疏頗感動方士陶仲文密言嵩孤立盡忠。學詩特為所

私修隙耳。帝于是發怒。下學詩詔獄。削其籍。先劾嵩者。陳紹與學詩皆同里。時稱上虞四諫。又都給事中厲汝

進。劾世蕃竊弄父權。嗜賄張炤。嵩上疏自理。且求援中官。以激帝怒。帝廷杖汝進。謫典史。明年。嵩假考察奪其職。厲汝進字子修。藥州人。

冬十月。張治卒。諡文隱。

十一月。祧仁宗。祔孝烈皇后于太廟。

初。睿宗入廟。帝恐後世議祧。遂欲當已世。預祧仁宗。以孝烈祔廟。自為一世。下禮部議。尚書徐階抗言。女后無先入廟者。帝大怒。階惶恐。不敢守前議。遂祧仁宗。升祔。

孝烈皇后

辛亥三十年春正月戊錦衣衛經歷沈鍊字純甫會稽人于邊

初趙貞吉請勿許詣達求貢廷臣無敢是貞吉者鍊獨大言以爲是吏部尚書夏邦謨目之曰若何官鍊曰錦衣經歷沈鍊也大臣不言故小吏言之鍊憤國無人致寇猖獗請以萬騎護陵寢萬騎護通州軍儲合勤王師十餘萬擊其情歸可大得志帝不省時嚴嵩用事邊臣爭致賄遺及失事懼罪益輦金賄嵩鍊時時捥腕一日從尚寶丞張遜業飲酒半及嵩因慷慨詈罵流涕交頤遂疏劾嵩黷賄十罪併及邦謨諂諛狀請均斥罷帝怒榜之數十謫佃保安鍊既被謫中外懾嵩威益拊口南京御史王宗茂拜官甫三月卽劾

嵩負國十罪。疏至通政司。趙文華密以示嵩。留數日始上。由是嵩恃預爲地。遂以宗茂誣大臣。謫平陽縣公。

宗茂字時育。京山人。平陽。五季吳越縣。今屬浙江温州府。

三月開馬市于大同宣府。

仇鸞驚怯畏寇。密遣人持貨幣。結諂達義子托克托。使

貢馬互市。諂達許之。投書于宣大總督蘇祐。祐以聞。鸞

與嚴嵩定議。每歲春秋兩市。命侍郎史道人。涿州人。領其事。

兵部車駕司員外郎楊繼盛。字仲芳。容城人。以讐恥未雪。示弱

辱國。乃奏言十不可。五謬。畧曰。互市者。和親別名也。諂

大讐也。而先之和。不可一。下詔北伐。日夜征繕兵食。忽

更之曰和。失信天下。不可二。堂堂中國。與之互市。不可

三。海內豪傑。爭磨礪待試。一旦委置無用。異時號召誰

復興起。不可四。使邊鎮將帥。懈弛兵事。不可五。邊卒私

通境外。例率裁禁。今乃導之與通。不可六。盜賊伏莽。徒

憚國威。今知畏怯。睥睨之漸。必開。不可七。諂達往歲深

仇鸞畏寇苟安創開馬市
以取侮敵人楊繼盛抗疏
極言其于利害得失至為
明暢言請果為感動即當
奮獨斷罷行何以仍下鸞
命議鸞既親知意方偏向
輒敢攘臂肆談豈意隱告
以務求曲售其私而諸大

入。乘我無備故也。備之一歲。以互市終。彼謂國有人乎。
不可入。或諂達負約不至。至矣。或陰謀伏兵突入。或今
日市。明日復寇。或以下馬索上直。不可九。歲帛數十萬。
得馬數萬匹。十年以後。帛將不繼。不可十。議者曰。吾外
為市。以羈縻之。而內修我甲兵。此一謬也。夫寇欲無厭。
其以終明甚。苟內修武備。安事羈縻。曰。吾因市以益
吾馬。此二謬也。夫和則不戰。馬將焉用。且彼寧肯與我
善馬哉。曰。市不已。彼且入貢。此三謬也。夫貢之賞不訾。
是名美而實大損也。曰。諸達利我市。必無失信。此四謬
也。吾之市。能盡給其衆乎。能信不給者之無入掠乎。曰。
佳兵不祥。此五謬也。敵加已而應之。何佳也。人身四支
皆癰疽。毒日內攻。而憚藥石可乎。此蓋必有為陛下主
其事者。故公卿大夫。知而莫為一疏入。帝頗心動。下鸞
言。宜奮獨斷。悉按諸言。互市者。等會議。鸞攘臂。言曰。豎子目不睹寇。宜其易之。諸大臣
遂言遣官已行。勢難中止。帝尚猶豫。鸞復進密疏。乃下
繼盛詔獄。貶狄道典史。

秋九月京師地震

臣亦但言遣官已行竟不復論其事之是非模稜兩可嘉靖竟不能自主貶斥轉加小人撓亂國是真毫無忌憚然變之所以敢如此者則以恃嚴嵩而信嵩目蔽非嘉靖之咎其誰之咎哉

壬子三十一年春三月置內府營

置于內教場以練諸內使

以禮部尚書徐階兼東閣大學士預機務

初階由夏言薦嚴嵩忌之階恐被中傷乃精治齋詞迎帝意左右亦多為地者遂入閣

秋七月以王忬巡撫浙江備倭

自朱純死浙江不設巡撫者四年中外不敢復言海禁事奸民汪直徐海陳東麻葉輩悉逸海島為主謀倭悉聽其指揮遂誘之入寇而海中巨盜皆襲倭服飾旂號分艘掠內地無不大利由是倭患日劇廷議復設巡撫以王忬任之然賊已蔓延不可撲滅

初沿海要地建衛所設戰船董以都

司等官。控制周密。逆承平久。船敵伍虛。及遇警。乃募漁船以資哨守。兵非素練。船非專業。見寇舶至。輒望風逃匿。以故賊帆所指。無不殘破。明年春。直勾諸倭。大舉入寇。連艦數百。

蔽海而至。浙東西。江南北。濱海數千里。同時告警。破昌

國衛。

明置。今裁。故城在浙江寧波府象山縣西南。

陷上海城。

元縣。今屬江南松江府。

流

刼乍浦。

鎮名。在浙江嘉興府平湖縣東南。海口要地。今有副都統駐此。

金山。

明衛。今為縣。屬松江府。

府。

太倉。崇明。常熟。

注俱見前。

嘉定。

朱縣。今屬太倉州。

又明年。掠蘇州。

松江。復趨江北。薄通泰。尋陷嘉善。

明縣。宣德中置。今屬嘉興府。

崇明。

入崇德縣。

五季吳越置。今改名石門。屬嘉興府。

掠嘉興。還屯柘林。

鎮名。在松江府

華亭縣東南。有城。

縱橫往來。忬不能禦。乃移忬巡撫大同。以李

天寵

孟津人。

代之。

八月。仇鸞死。詔戮其屍。

馬市既開。諸邊日苦侵暴。帝命鸞逐寇大同。鸞不得已。出鎮川堡。遇伏敗還。至是病疽。猶戀大將軍印。不肯上。徐階密疏發鸞罪。兵部尚書趙錦亦言。強寇壓境。而鸞病不能軍。萬一寇衆長驅。貽憂君父不小。帝命罷鸞。以侍郎蔣應奎暫掌戎政。鸞大恚恨。疽益劇。遂死。始鸞與嵩約爲父子。已而相惡。嵩密疏毀鸞。鸞亦陳嵩世蕃貪橫狀。帝少疎嵩。嵩當入直。不召者數矣。嵩見徐階。李本。詔旨格之。嵩還第。父子對泣。嵩因結錦衣都督陸炳共圖鸞。鸞既死。炳盡發其通虜納賄狀。帝大怒。下詔暴鸞罪。追戮之。傳首九邊。

九月。河決徐州。

運道淤阻五十里。總河都御史曾鈞字廷和進賢人請濬劉伶

臺在淮安府山陽縣東北臨淮至赤宴廟在淮安縣八十里築草灣在山陽縣

北老黃河口增高家長堤在山陽縣西南洪澤湖東後漢陳登建明陳瑄重築繕

新莊等舊牐新莊牐在清河縣惠濟祠東明初建後廢從之

罷馬市

諳達以羸馬索厚值弗予輒大譁大同市則寇宣府宣府市則寇大同甚者朝市暮寇併羸馬掠去帝惡之詔

罷馬市

冬十月築京師外城

以寇警故築外城一十五里閱九月訖工

十二月殺光祿寺少卿馬從謙字益之溧陽人

中官村泰提督光祿寺乾沒內帑數萬從謙奏發其罪並及宮中齋醮事命下詔獄杖殺之

癸丑三十二年春正月戊寅朔日食陰雲不見

兵部員外郎楊繼盛上疏劾嚴嵩下詔獄

帝既誅仇鸞罷馬市乃思繼盛言自典史四遷爲兵部員外郎時嚴嵩方用事恨鸞初凌已善繼盛首攻鸞欲驟貴之復收兵部武選司而繼盛惡嵩甚于鸞且念起

謫籍思所以報國抵任甫一月卽草疏劾嵩十大罪五

奸畧曰祖宗罷丞相設閣臣備顧問視制草而已嵩乃名而有丞相權是壞祖宗之成法大罪一陛下用一人高曰我薦也斥一人曰此非我所親陛下用一人高曰我救也罰一人曰此得罪于我何陛下喜怒以恣威福是竊君上之大權大罪二陛下有善政嵩必令子世蕃

告人曰。主上不及此。我議而成之。欲天下以陛下之善。盡歸于已。是掩君上之治功。大罪三。陛下令嵩票擬。蓋其職也。嵩何取而令世蕃代之。題疏方上。天語已傳。故京師有大丞相小丞相之謠。是縱姦子之僭竊。大罪四。嚴效忠嚴鵠。乳臭子耳。未嘗一涉行伍。皆以軍功官錦衣。兩廣將帥。俱以私黨躡府部。是冒朝廷之軍功。大罪五。逆鸞下獄。賄世蕃三千金。嵩即薦爲大將。已知陛下疑鸞。乃互相排詆。以民前迹。是引悖逆之姦臣。大罪六。諸達深入。擊其惰歸。大機也。嵩戒丁汝夔勿戰。是誤國家之軍機。大罪七。郎中徐學詩。給事中厲汝進。俱以劾嵩削籍。內外之臣。中傷者何可勝計。是專黜陟之大柄。大罪八。文武遷擢。但論金之多寡。將弁惟賄嵩。不得不。賤削士卒。有司惟賄嵩。不得不。培克百姓。毒流海內。患起域中。是失天下之人心。大罪九。自嵩用事。風俗大變。賄賂者薦及盜跖。疏拙者黜逮夷齊。守法度者爲迂滯。巧彌縫者爲才能。是敝天下之風俗。大罪十。嵩有是十罪。而又濟之以五奸。以左右侍從之能察意旨也。厚賄結納。得備闈宮中言動。是陛下之左右。皆賊嵩之間諜。以通政司之主出納也。以趙文華爲使。凡有疏至。必先送嵩閱。竟然後入御。是陛下之喉舌。乃賊嵩之鷹犬。畏廠衛之緝訪也。即令子世蕃結爲婚姻。是陛下之爪牙。皆賊嵩之爪葛。畏科道之多言也。非其私屬。不得與臺

諫有所愛憎。卽授之論刺。是陛下之耳目。皆賊嵩之奴。諫懼部寺之猶有人也。擇有才望者。羅致門下。聯絡盤結。深根固蒂。是陛下之臣工。皆賊嵩之心膂。陛下奈何愛一賊臣。而使百萬蒼生陷于塗炭哉。願陛下聽臣之言。察嵩之奸。或召問景裕。二王。或詢諸閣臣。重則置之憲典。以正國法。輕則諭令致仕。以全國體。嚴效忠。嚴鵠。俱世疏入。帝已怒。嵩見召問二王語。喜謂可指此爲蕃子。

罪密構于帝。帝益大怒。下繼盛詔獄。詰何故引二王。繼

盛曰。非二王。誰不懼嵩者。獄上。杖之百。移刑部定罪。繼

將杖。或遺之蚺蛇膽。却之曰。椒山自有膽。何蚺蛇爲。椒

山繼盛別號也。及入獄。劊甚夜半而蘇。碎瓷盤。手割腐

肉。肉盡。筋掛膜。復手截去。獄卒執燈。顛欲墜。繼盛意氣自若。侍郎王學益。安福

也。欲坐繼盛。詐傳親王令旨。絞郎中史朝賓。晉江持之。

嵩謫之外。于是尙書何鰲。山陰人。竟如嵩指成獄。繼盛旣

方蓄怒以待言者。兵部郎中周冕。申論嚴效忠。冒功事。

力陳其誣妄。遂下詔獄。雲南清軍御史趙錦。以元旦日

力陳其誣妄。遂下詔獄。雲南清軍御史趙錦。以元旦日

趙全邱富本一邊塞小民
初非如漢之中行說以奉
使叛降者可比則當獲罪
之初即應早收捕以申國
典或狡焉免脫亦當嚴為
追緝毋使得遠竄窮荒乃
邊臣縱弛自如竟置遁逃
于不問使強敵擁為謀主
坐據漠陲又不懲前事之
疎申明禁令聽亡命者得
潛出相依養癰貽患明代
更不嚴武臣多存畏怯
以國家全力坐困于一二

食為權奸亂政之應。馳疏請罷嵩。以謝天變。帝手批責
錦。誣天謗君。遣官逮至京。下獄拷訊。斥為民。趙錦字
元樸。餘姚人。時有兩趙錦。
一為兵部尚書。一即此。

秋七月。諳達大舉入寇。

初。叛人趙全邱富等。以罪亡入敵。數誘入寇。且教之益

習攻戰事。諳達信用之。

全富等。尤與其黨蕭芹同入敵。芹詭言能喝城使墮敵貢市時。

欲毀邊垣。試其術。不驗。遂縛以獻。而全富等竟匿不出。

乃招集亡命。居豐州。築城自衛。墾水田。構宮殿。號曰拜

姓。諳達每入寇。必置酒全所問計。豐其春。兩犯宣府。

州城。即今歸化城。拜姓舊作板升。今改。

至是大舉深入。下渾源。靈邱。廣昌。急攻插箭浮圖等峪。

插箭峪。在廣昌縣東南。浮圖遊擊陳鳳。朱玉力戰却之。

峪。在廣昌縣東。路出紫荆關。敵分兵東犯蔚。西掠代。繁峙。已駐邸延二十日。屠掠延

慶諸城。幾遍。會久雨。乃去。未幾。復寇大同。巡撫趙時春

塞上流民視拜姓竟如甌脫其苟何以立國乎

字景仁。禦之遇伏。敗績。總兵官李涑戰死。全軍皆沒。既

而復犯宣大。在明。攻薊鎮牆。百道並進。警報日數十至。

京師戒嚴。薊遼總督楊博。字惟約。蒲州人。悉力拒守。募死士夜

斫其營。敵驚擾。乃遁。

柘城

隋縣。今屬河南歸德府。

盜師尚詔作亂。官軍討平之。

尚詔本鹽徒。以私販作奸。剽掠遠近。官府不能制。巡撫

謝存儒

蒲州人。

苟幸無事。假以總保長。令總諸鎮民捕盜。

尚詔肆為威虐。守臣欲誅之。遂反。結劇盜數千。薄歸德

城。其黨啟門納之。乃刦獄囚。掠帑藏去。官軍分道擊賊。

遇之鄆陵。

注前見。

與戰。敗績。已追獲于山東莘縣。

注前見。詔

卽所在斬之。賊起四十餘日。破府一。州二。縣八。屠戮十

嘉靖酷待言官力加摧抑
錮獄杖死者接踵于廷已
非政體至賀表違式其事
尤微何亦重加譴責蓋自
嚴嵩柄用羣臣異論紛如
嘉靖聽嵩之德恩蓄怒以
待者已久而衆喙仍然不
已則益務先事施威欲以
休其心而猶厥口耳爾時
臺諫陳言固不必盡中事
理而嘉靖借端抒憤至以
元日盡撻科臣乖妄更其
矣

餘萬人三省皆震。

甲寅三十三年春正月朔杖六科給事中于廷

以科臣賀表違制盡予杖

夏五月命張經總督軍務討倭。

經爲南京兵部尙書朝議以倭寇猖獗議設總督大臣。

命經不解部務督江南北浙江山東福建湖廣諸軍便

宜行事既而用兵科言改經右都御史兼兵部侍郎專

辦討賊時倭二萬餘據柘林川沙窪在松江府上海縣東南有城爲沿海

巨鎮抄掠四出經至選將練兵爲搗巢計以江浙山東兵

屢敗乃大徵兩廣狼土兵協力進剿。

秋七月詔勲戚大臣入直西內。

帝崇道益篤。特命駙馬都尉鄔景和、安平伯方承裕、銳

子。尚書李默。字時言。甌寧人。王用賓。字元興。咸寧人。左都督陸炳入直

西內。侍郎程文德。字舜敷。永康人。閔如霖。字師望。烏程人。郭樸。字質夫。安陽人。

吳山。字曰靜。高安人。供撰青詞。景和以不諳元理辭。帝不悅。罷

其入直。已而貸在直諸臣。景和與焉。景和辭免。且言臣

願洗心滌慮。効馬革裹尸之報。帝怒其怨訕。黜為民。

乙卯 三十四年春二月。遣趙文華督視海防。

文華詔事嚴嵩。結為父子。自通政使。進工部侍郎。東南

倭患棘。文華言七事。首請遣官望祭海神。帝用嵩言。即

命文華往。兼督察軍情。文華恃寵恣睢。百司震懼。公私

財賂填集。江南為之困敝。又牽制兵機。顛倒功罪。雖徵

倭患方亟。自當以禦擊為先。文華條上機宜。乃首請祭海神。以求福實為可嗤。可鄙。嘉靖竟徇嵩私請。即令其督察軍情。安望其能遏潢池寇焰。至其恣睢黷

貨流毒東南尤人所必
至莫不足深責矣

兵半天下而倭勢愈熾。

夏五月張經敗倭于王江涇。

在嘉興府秀水縣北一名聞川宋聞人氏家焉今有鎮爲

南北要衝詔逮經下獄。

趙文華頤指大吏經以位在其上獨輕之文華不悅與

巡按御史蒞宗憲

字汝貞績溪人

比屢趣經進兵時諸路狼兵

已集惟永順保靖兵未至經欲待其至而後戰文華再

三言經守便宜且慮文華輕淺洩師期竟不以告文華

怒疏劾經養寇失機疏方上而永保兵已至經大破倭

于王江涇斬一千九百餘級焚溺死者無算爲軍興戰

功第一文華懷之以奏謂已與宗憲督師所致帝問嚴

嵩嵩對如文華指且言狼兵初至經不許戰及文華宗

憲致捷。遂冒以為功。帝深入其言。即下詔逮經。經至。疏言臣任總督半載。前後俘斬五千。乞賜原宥。不納。遂與巡撫李天寵。以文華謗除名。復為宗憲所劾。被逮。俱論死。繫獄。舉朝知其冤。莫敢奏。

冬十月。殺張經。李天寵。遂及兵部員外郎楊繼盛。

繼盛繫獄三載。帝猶無意殺之。

每朝審時。觀者塞衢。見繼盛囊三木。輒憤歎曰。

奈何不以囊嵩而囊若。或至泣下。

已而有為營救于嵩者。其黨胡植。

南昌人。

鄂懋卿。

豐城人。

怵之曰。公不覩養虎者邪。將自貽患。嵩

領之。會張經。李天寵。坐大辟。嵩揣帝意必殺二人。比秋

審。因附繼盛名並奏。得報。繼盛妻張氏。伏闕上書。請代

夫死。

其辭曰。臣夫繼盛。誤聞市井之言。尚狃書生之見。遂發狂論。聖明不即加戮。俾從吏議。兩經奏讞。並

張經討倭頗著斬獲成勞。趙文華既攘其功。且因嫌誣訐其罪。致與李天寵同時論死。實為冤獄。嘉靖何以不加寢。允必欲置之於

死且為嵩所窺測陰害其
對至楊繼盛繫獄三年與
此事尤風馬牛之不相及
乃竟竄入案中妄加刑戮
嵩之惡固不足論但秋獄
既上即情真罪當高宜再
四推求顧令無辜駢首市
曹茫然罔覺是為靖于奏
書全不寓目致權奸得以
肆意竊刑庸憤實甚矣

荷寬恩今忽關入張經疏尾奉旨處決臣仰惟聖德昆
蟲草木皆欲得所豈惜一迴宸顧下逮覆盆倘以罪重
必不可救願即斬臣妾首以代夫誅夫雖
遠禦魍魎必能為疆場效死以報君父
盛遂與經天寵並棄西市繼盛臨刑賦詩曰浩氣還太
虛丹心照千古平生未報恩
留作忠魂補天下涕泣傳誦之隆慶初恤直諫諸臣
以繼盛為首贈太常卿諡忠愍張經亦復官諡襄愍

十一月壬辰朔日食。

十二月山西陝西河南地震。

聲如雷。雞犬鳴吠。陝西渭南華州朝邑三原及山西蒲
州諸處尤甚。或地裂泉湧。中有魚物。或城郭廬舍。陷入
地中。或平地突成山阜。河渭溢。華岳終南山鳴。官吏軍
民死者八十三萬有奇。

丙辰三十五年春二月趙文華還京以胡宗憲總督軍務討

倭。

初張經被逮。易以周琬。

應城人。

未幾。又以楊宜

衡水人。

代之。

張經深得狼土兵心。既逮。皆憤恨無鬪志。宜節制。時倭

聚柘林。其黨自紹興竄。轉掠杭嚴徽寧國太平直犯南

京。出秣陵關。

在江寧縣南。今有鎮。

刼溧陽宜興。抵無錫。趨潁墅。

關名。

在長洲縣西北。吳地記。本名虎。唐諱虎。錢氏諱嚳。遂改名許墅。

轉鬪數千里。殺傷四

千人。歷八十餘日。始為應天巡撫曹邦輔

字子忠。定陶人。所殲。

文華欲分其功。而邦輔捷書已奏。文華恨之。乃大集浙

直兵。與宗憲親將之。搗倭于松江之陶宅。

在奉賢縣西北。進營

輓橋。倭悉銳來衝。大敗。文華氣奪。乃定計招撫。會川兵

破賊周浦。

在奉賢縣東南。

總兵俞大猷

字志輔。晉江人。

破賊海洋。文華

遂言水陸成功。江南清宴。請還朝。許之。比至。言餘倭無幾。盛毀楊宜而薦宗憲。遂奪宜職。謫戍邦輔。而推宗憲爲兵部侍郎。督諸軍討倭。

三月。以趙文華爲工部尙書。

文華歸後。東南敗報踵至。帝疑文華妄。數詰嚴嵩。嵩曲爲解。帝終不釋。文華稔帝好告訐。會吏部尙書李默發策試選人。中言漢武征四夷而海內虛耗。唐宗攻淮蔡而晚業不終。文華劾其誹謗。默坐死。帝以是爲文華忠。進尙書。加太子太保。

夏五月。復遣趙文華視師。

倭警還至。部議再遣大臣督師。已命兵部侍郎沈良才。

泰州人。矣。嵩令文華自請行。且言江南人矯首望文華。帝

信之。命兼右副都御史。提督軍務。文華再出。胡宗憲欲

藉以通嵩。詔奉無不至。文華素不知兵。亦倚宗憲。兩人

交甚固。已而宗憲俘陳東。平徐海。宗憲遣指揮夏正等

有約。所慮獨公耳。海因疑東而東知海營有宗憲使者。

亦大驚。由是有隙。宗憲因諭海縛陳東。麻葉許以世爵。

海果縛葉以獻。宗憲解其縛。令以書致東。圖海而陰泄

其書于海。海怒。海妾受宗憲賂。亦說海。于是海復行計。

縛東來獻。刻日請降。忽率百餘人。先期猝至。文華懼。欲

弗許。宗憲強之。海叩首伏罪。宗憲慰之。海自擇沈莊屯

其衆。沈莊者。東西各一。以河爲塹。宗憲居海東莊。以西

莊處東黨。令東致書其黨曰。督府檄海夕擒若屬矣。東

黨懼。乘夜攻海。海走。間道。官軍圍之。投水死。

文華以大捷聞。歸功上元。帝大喜。加文華少保。宗憲右都御史。

秋九月。徽王載堉有罪。廢爲庶人。自殺。

初載埜父厚燭。善方士陶仲文。仲文奏其忠敬奉道。帝喜。封爲真人。予金印。及載埜嗣。益以奉道媚帝。命縮其父真人印。南陽人梁高輔者。自言能導引服食。載埜用其術和藥。命高輔因仲文以進。高輔被上寵。不復親載埜。載埜銜之。已而高輔爲帝取藥不得。求載埜舊所蓄者。載埜不與。而與仲文。高輔大恨。乘間言載埜過失。載埜壞民屋作臺榭苑囿。庫官王章諫杖殺之。嘗微服至揚州。鳳陽爲邏者所獲。羈留三月。走歸。帝疑之。奪真人印。仲文知釁已成。不敢言。會有民耿安。告載埜奪其女。下按治。有司因發其諸不法事。詔廢爲庶人。錮高牆。載埜自縊死。妻妾皆從之。

冬十月丙戌朔日食。

丁巳三十六年夏四月奉天華蓋謹身三殿災。

帝下詔引咎修齋五日止諸司封事。

秋九月趙文華有罪免其子懌思戍邊。

三殿既災帝急欲建正陽門樓文華猝不能辦帝不懌。且聞其視師江南黷貨要功狀思逐之嚴嵩言文華因觸暑南征疾尚未愈隨令上章稱疾帝手批令回籍休養制下舉朝稱賀嵩獨不怡者累日帝以文華雖逐未盡其罪而言官無攻之者帝怒無所洩會其子錦衣千戶懌思以齋祀停封章日請假送父帝大怒黜文華爲民戍懌思邊衛。文華故病蠱及遭譴卧舟中意悒悒不自聊一夕手捫其腹腹裂臟腑出遂死

殺前錦衣衛經歷沈鍊。

沈鍊觸忤權奸致遭貶謫
楊順以封疆大臣竟甘與
路楷同為私門鷹犬逞志
搆誣至于弋獲妖人而嘉
謂其足以報嚴公子遂從
而羅織以殺直臣實為弁
髦國法迨蔭子遷官復賺
于相酬之薄戮及其孥以
冀為取媚彼雖覩然人面
實不知其是何肺腸也然

鍊既至保安未有館舍賈人某詢知其得罪故空家舍
授之里長老亦日致薪米遣子弟就學鍊語以忠義大
節皆大喜塞外人素慙直又稔知嚴嵩惡爭罵嵩以快
鍊且縛草為人象李林甫秦檜及嵩醉則聚子弟攢射
之或踔騎居庸關口南向戟手詈嵩痛哭而歸語稍稍
聞京師嵩大恨其黨路楷汶上人巡按宣府世蕃屬與總
督楊順德州人合圖之兩人日夜謀中鍊會蔚州獲妖人
閻浩詞所連甚眾順喜謂楷曰是足以報嚴公子矣竄
鍊名其中上之遂斬宣府市戊子襄極邊予順一子錦
衣千戶楷待銓五品卿寺順曰嚴公薄我賞意豈未慚
乎併取鍊子袞褒杖殺之

方伯媚奸臣之子而殺人之子而嘉靖不知是時國政尚可問乎

冬十一月諸達子錫林阿舊作辛愛今改後仿此圍大同右衛

錫林阿有妾托斯齊舊作桃松寨今改私部目懼罪來降楊順

詔為奇功致之京師錫林阿來索不得寇應朔二州毀

七十餘堡縱掠大同圍右衛數匝順懼乃詭言敵欲以

叛人趙全等來易托斯齊兵部尚書許論字廷議進少子以為

便乃給托斯齊使出塞西走陰告錫林阿錫林阿執而

戮之狎知順無能圍右衛益急更分兵犯宣薊西鄙震

動嚴嵩論計欲棄右衛帝不聽詔諸臣發兵措餉而以

兵部侍郎江東山東朝城人代順時故將尚表以餽餉入圍

城悉力捍禦時出兵突戰獲諸達孫及壻與其部將各

一人會江東及巡撫楊選字以公章邱人總兵張承勲等各嚴

兵進圍乃解。

胡宗憲誘降海盜汪直誅之。

直據海島挾倭爲雄。朝廷懸賞購之。迄不能致。旣而內地有備。倭亦多被勦戮。有全島無一人歸者。往往怨直。直不自安。宗憲與直同鄉里。欲招致之。釋直母妻子獄。館之杭州。資給甚厚。遣寧波諸生蔣洲齎其家書往招直。直知家屬固無恙。頗心動。及是遂率夷目數十人來貢市。泊舟山。在寧波府定海縣治東。明設千戶所于此。今改名定海山。之岑港。在定海縣西北。舊爲戍守要地。將吏以爲入寇。陳兵備。直遣其養子王激入見宗憲曰。我以好來。何故陳兵相待。宗憲解諭百方。直終不信。要一貴官爲質。宗憲立遣指揮夏正往。直疑解。

乃來謁。宗憲慰之甚至。令謁巡按御史王本固。邢臺人。于

杭州。本固下直于獄以聞。宗憲疏請曲貸直以繫番人

心。本固爭之彊。遂斬直。其黨大恨。支解夏正。焚舟登山。

阻岑港而守。已移之柯梅。嶺名。在定海縣海中。過此卽爲外洋。造新舟以

遁。宗憲利其去不追。賊遂揚帆而南。流劫閩廣。

戊午三十七年春。二月。總督宣大侍郎楊順以罪逮下獄。

方錫林阿圖大同殺掠吏民無算。順懼路楷奏之。賄以

七千金。楷悉爲掩覆。及是給事中吳時來。字惟修。仙居人。抗章

劾順罪。且發楷受金狀。帝方怒順召寇。立命逮順。及楷

下獄。嚴嵩不能救。乃言楷受金當勘。而令其黨給事中

鄭茂往。茂還。事事爲順辨。復言楷受金無左驗。順楷俱

薄譴。于是時來即劾嵩。明奸罔上。會主事張翀。字子儀。柳州人。

董傳策。

字原臣。松江華亭人。

亦于是日劾嵩。翀與時來皆徐階門

生。傳策則階邑子。時來先又官松江。嵩疑階主使。乃密奏三人同日構陷。必有人主之。帝下三人詔獄。鞫訊久之。無所得。三人皆譴戍。然自是帝亦稍厭嵩矣。

秋八月。寇圍甘州。

濟農

舊作吉能。即前濟農子。按濟農係蒙古王號。故父子並襲其稱。舊分作吉囊吉能。音譯岐誤。今俱改。

正。犯永昌。涼州。進圍甘州。十四日始退。

冬十月。禮部進瑞芝。

先是。帝于秘殿扶乩。言服芝可延年。乃詔有司採芝五岳。及諸名山。至是。禮部進一千八百六十本。詔廣求徑

尺以上者

宛平民獻芝五本。賚銀幣。于是四方來獻者。接踵。皆積苑中。內侍竊出市人。復進之以邀

賞。凡得芝萬本。聚為

一山。號萬歲芝山。

己未三十八年春二月。錫林阿寇灤河。

錫林阿與婁巴圖爾

舊作老把都。今改。

諸部謀大舉入犯。屯會

州。

注見前。

聲言東下。薊遼總督王忬不能察。遽引兵而東。

號令數易。虜乘間入潘家口。渡灤河而西。大掠遵化。遷

安薊州。王田駐內地五日。京師大震。御史王漸方輅交

章劾忬。遂逮忬下詔獄。論死。

初帝器忬才甚。眷之所建。請無不從。及為總督。邊將

數以敗聞。漸失寵。嚴嵩雅不悅忬。而忬子世貞復以口

語為嵩子世蕃所憾。楊繼盛之死。世貞又經紀其喪。嵩

父子益大恨。深河變聞。遂得行其計。

隆慶初。世貞伏闕訟寃。復忬官。予卹。

字邦良。

平江北倭。

夏五月。巡撫都御史李遂

豐城人。

倭數百艘寇海門。

五季周縣注見前。

遂令副使劉景韶

湖廣崇陽人。

遊擊邱陞扼如臯。而身馳泰州當其衝。賊知如臯有備。

將犯泰州。遂急檄景韶陞遏賊。連戰皆捷。先是。遂語諸

將曰。賊若由泰州出鳳河。則陵寢驚。若由黃橋

鎮名。在通州泰

興縣北。

逼瓜儀。則運道梗。若沿海而至廟灣。

在淮安府山陽縣東北。射

陽湖會諸水。由此入海。有城。今設同知駐此。

則絕地也。及是。賊果沿海東掠。

遂喜曰。賊無能為矣。令景韶尾其後。而致之廟灣。復慮

賊突淮安。乃夜半馳入城。賊尋至。遂督叅將曹克新等。

禦之姚家蕩。

在淮安府鹽城縣西北。為濱海重地。

會通政唐順之。

時奉命視師江

浙。

副總兵劉顯

南昌人。

來援。賊大敗。走保廟灣。景韶亦敗。

賊印莊。

鎮名。在泰興縣東。

廟灣賊據險不出。攻之月餘。不克。順

不才居不才館重覽 卷之一百九

之顯馳救三沙

注見前

遂令景韶填塹夷木壓壘而陳以

火焚其舟賊乘夜雨潛遁追奔至蝦子港

方輿紀要姚家蕩東南有

蛤蜊蝦子等港

江北倭悉平帝璽書獎遂遷南京兵部

侍郎以順之代為巡撫順之尋卒

順之初舉進士第一改庶吉士尋調主事

遂引疾歸讀書陽羨山中凡天文樂律地理兵法弧矢

勾股王奇禽乙莫不究極原委會趙文華視師特疏薦

順之順之商出處于羅洪先洪先曰向已錄名仕籍此

身非我有安得伴處士順之遂出然聞璽頗由此損

秋七月南京地震

庚申三十九年春二月南京兵亂殺總督糧儲侍郎黃懋官

莆田人

營兵驕悍惟當軍紀律以儆不馴黃懋官乃減餉緩期妄行裁抑措置未為失當但軍士飢敗戕害督儲大臣即與叛逆無異自當廣搜黨與重示刑誅乃何綬持紙牒金季遂閉閣

先是南京設振武營募健兒禦倭素驕悍懋官稍裁抑

之舊制南軍有妻者月糧米一石無者減其四春秋二

仲米石折銀五錢馬坤掌南戶部奏減折色之一懋

給券其畏縮腦情形實
為可笑可鄙比亂兵稍戢
聘以定繼邀功而首惡就
又僅誅既死之三人以
圖了局軍政陵夷若此
之不卽亡幸耳

官又奏革募補者妻糧諸軍以歲饑求復折色故額
懋官不可給餉又復逾期馬坤字順卿南通州人諸
軍大怒遂以都肄日殺懋官裸尸于市守備太監何綬
等遣吏持黃紙許給賞萬金卒輒碎之許犒十萬金乃
稍定侍郎李遂託病閉閣給免死券以慰安之而密捕
首惡二十五人繫獄事聞追視懋官官止誅叛卒三人
而三人已前死兵自此益驕

三月以鄧懋卿總理鹽政

舊制無一人總理四運司者至是懋卿以嚴嵩力總理
兩浙兩淮長蘆河東鹽政驟增鹽課四十餘萬所至市
權納賄勢焰薰灼其按部常與妻偕行製五絲輿令十
二女子舁之道路傾駭淳安知縣海瑞字汝賢
瓊山人供帳簡

行打原不道銀車寶 卷之一 頁九

四三

薄抗言貧邑不能容軒車。慈谿知縣霍與瑕子亦清
鯁不屈。懋卿嗾巡鹽御史袁淳劾之。俱削籍。已嵩敗懋卿以職戍邊。

秋七月。大同總兵劉漢大同人襲諳達于豐州。破之。

先是虜聚眾喜峯口。規犯薊鎮。漢乘虛擣其帳于灰河。在寧武府西。下流至馬邑縣。入桑乾河。至是漢復與叅將王孟夏等分道

出擣豐州。擒斬百五十人。焚拜牲畧盡。時邸富已隨虜
帳他徙。趙全亦遁免。邊兵積弱已久。寇易之。駐近塞。出沒無所忌。及是再為漢所挫。他鎮亦往往乘間出擣。寇始懼。漸移其帳。

八月。胡宗憲獻白龜芝草。

自趙文華得罪。宗憲失內援。又見倭患方未已。思自媚

于上乃于一歲中再獲白鹿以獻。在三十帝喜天瑞頻

降告謝元極寶殿及太廟百官稱賀。晉宗憲秩兵部尚

書兼節制巡撫及操江都御史如三邊故事至是復獻

白龜二五色芝五帝益大悅賜名龜曰玉龜芝曰仙芝

告謝如前。資宗憲加等。宗憲性喜賓客東南才學士茅

用是名日起其獻白鹿也。今渭草表并他客草寄所善

學士擇其尤者上之學士以渭表進帝稱善宗憲以是

益重渭渭知兵好奇計宗憲擒徐海誘汪直皆預謀焉

後宗憲敗渭佯狂自廢茅坤字順甫歸安人徐渭字

文長山陰人沈明

臣字嘉則鄞人

雅拙居不遇金車

卷之二

四

御批歷代通鑑輯覽卷之一百十

明

世宗皇帝

辛酉嘉靖四十年春二月辛卯朔日食。

景王載圳之國。

初。莊敬太子薨。廷臣言裕王次當立。不報。帝晚年信方士語。二王皆不得見。載圳年少。既與裕王同出邸。居處衣服無別。左右頗懷覬覦。至是。之國德安。居四年薨。無子。國除。

三月。太白晝見。

秋七月。己丑朔。日食。

冬十一月以袁煒

字懋中慈谿人

為戶部尚書兼武英殿大學士

預機務

先是二月日食微陰欽天監言日食不見即同不食嚴

嵩以為天眷趣禮部急上賀煒亦以為言尚書吳山仰

首視天日方虧將誰欺邪仍救護如常儀帝怒山引

罪去遂以煒代山及七月又日食欽天監言食止一分

五秒例免救護煒乃阿帝意上言陛下以父事天以兄

事日是以太陽晶明氛祲銷鑠食止一分與不食等臣

等不勝欣忭疏入帝大喜及是遂入閣煒本以青詞進

與李春芳

字子實揚州興化人

嚴訥

字敏卿常熟人

郭樸並號青詞宰相

煒才思敏捷每撰青詞援筆立就遇中外獻瑞輒極詞頌美帝畜一猫死命內直諸臣撰詞以醺煒詞有化獅

薄蝕布算可知本不應少
有差錯若史書所載當食
不食皆因疎于推測耳至
于陰雲不見尤屬偶爾破
遮乃嚴嵩遽以為與不食
相同侈陳瑞應徒為人所
鄙笑而袁煒且以食止一
分遂謂為氛祲銷鑠獻頌
貢諛小人止圖榮寵而罔
顧事理之是非亦可醜矣

作龍語。帝大喜悅。其詭阿媚上多類此。以故帝急妨用之。恩賜稠疊。他人莫敢望。

萬壽宮災

萬壽宮在西苑。成祖舊宮也。帝自二十一年宮婢之變。卽徙居此。是夜火作。禁衛不及救。乘輿服御及先世寶物盡燬。乃暫御玉熙宮。

壬戌

四十一年夏五月。嚴嵩以罪免。其子世蕃下獄。

帝居西苑。大臣希得進見。惟嵩獨承顧問。御札一日或數下。雖同列不獲聞。以故嵩得逞志。徧引私人居要地。士大夫奔走輻輳。皆惴惴事嵩。然攬權旣久。帝亦浸厭之。而漸親徐階。初。帝所下手詔。語多不可曉。惟世蕃一覽了然。答語無不中。

世蕃頗通國典。曉暢時務。嘗自負爲天下才。嵩旣耄昏。且旦夕值西

THE UNIVERSITY OF CHICAGO LIBRARY

御批歷代通鑑輯覽 卷之二百一
御批歷代通鑑輯覽 卷之二百一

內諸司白事輒曰以質東樓東樓者世蕃別號也及嵩妻歐陽氏死世蕃居喪

不得入直所代票擬嵩受詔多不能答每遣人持問世

蕃值其方縱淫樂不以時答中使相繼促嵩嵩不得已

自爲之往往失指所進青詞又多假他人手不能工以

此積失帝歡會萬壽宮災嵩請徙南城離宮南城英宗

爲太上皇時所居也帝不悅而階營萬壽宮甚稱旨帝

玉熙宮隘甚欲有所營建以問階階請以三殿餘材營

之可計月而就帝悅命階子尙寶丞璠兼工部主事十

旬而工成帝卽日徙居之由是帝益向階顧問多不及嵩卽及嵩祠

祀而已未幾方士藍道行假乩仙詔言嵩奸罪道行以

幸故惡嵩帝問天下何以不治道行詐爲乩語具道嵩父子弄權狀帝問上仙何不極之答曰留待皇帝自極帝心動欲逐嵩御史鄒應龍字雲卿長安人避雨內侍家偵知

前此論嚴嵩者不一嘉靖並置若罔聞何一聞方士之言卽能心動甚至以不殛轉卽上仙煬敵尙可言耶况嵩始藉陶仲文以固寵繼由藍道行而去位進

退之柄皆不由土出則雖
罪狀自此而彰要難語干
黜陟之正也

之。因抗疏極論嵩父子不法。應龍將具疏。夜夢出獵。見

塿。其下甚壯。一注矢拉然。覺而悟曰。此小兒東樓之兆也。遂專劾世蕃罪狀。因及嵩溺愛惡子。招賂市權。亦宜

亟放歸田。且曰。如臣言不實。乞斬臣首以謝嵩。世蕃帝遂罷嵩。下世蕃詔獄。嵩為

世蕃求釋。不聽。法司奏論世蕃及其子錦衣鵠。鴻客羅

龍文俱戍邊。詔從之。特宥鴻為民使侍嵩。而錮其奴嚴

年于獄。龍文官中書。與世蕃交關為奸利。而年最黠惡。士大夫無恥者競稱焉。山先生擢應龍

通政司叅議。侍郎魏謙吉栢鄉人等皆坐姦黨黜謫有差。

土默特即韃靼。小王子後。嘉靖初。徙幕東方。按土默特。舊作土蠻。今改。後仿此。寇遼東。總兵

官黑春戰死。

土默特入撫順。城名。在奉天府承德縣東。與興京接界。復攻鳳凰城。在奉

東南。鴨綠江經此入朝鮮國。春與把總田耕等力戰。三日夜死之。

秋八月加戶部尚書高耀

清苑人

太子少保。

初大內災。宦官有密收龍涎香者。至是帝索之急。耀從

禁中購得八兩。用聖壽建醮日獻之。大稱旨。賜銀幣。尋

加太子少保。耀初賄嚴世蕃。蠟戶部尚書。

事在三十一年四月。

以貪穢著。及世蕃敗。知不為公論所容。乃要結為固位計。

九月三殿成。

更奉天殿曰皇極。華蓋殿曰中極。謹身殿曰建極。

冬十一月分遣御史求方書。

帝晚年求方術益急。陶仲文死。乃命御史姜儆

南昌人王

大任。

陝西保安人

分行天下。訪求方士。及符籙祕書。閱二年

還朝。上所得法祕數千冊。薦方士唐秩。劉文彬等數人。

獲桃幄後其為中官欺飾形跡顯然嘉靖何以遽信為天賜至兔鹿馴育苑囿孽產尤屬常事乃輒目為奇瑞至于告廟稱賀且謂稱眷祐非常誕享滋甚嘉靖崇信左道惑溺已久較之漢武尤為庸鄙爾時廷臣亦從而附和之天寶祥符紛紛夢感先後殆同一轍

倣大任俱擢侍講學士秩等賜第京師時嚴嵩既罷藍道行亦被譴宮

中數見妖孽帝春秋高意邑邑不樂中官因設詐以娛之嘗夜坐庭中獲桃御幄後左右言自空中下帝喜

曰天賜也修迎恩醮五日明日復獲一桃是夜白兔生二子帝益喜謝元告廟未幾壽鹿亦生二子廷臣表賀

帝以奇祥三錫天眷非常手詔褒答事在四十三年

癸未四十二年夏四月總兵官俞大猷副總兵戚繼光字元敬

襲登州衛等擊倭于福建破之

自倭去柯梅注見前浙東江北漸寧而患盡移于福建倭泊

泉州之浯嶼掠同安惠安攻福寧寧德進圍福州經月不解蔓延興化奔突漳州迄無寧日浯嶼即金門在泉州府同安縣東南海中廣袤數十里同安五季閩縣

惠安宋縣今俱屬泉州府福寧元州今升府屬福建寧德亦五季閩縣今屬福寧府閩人在朝者爭劾胡宗憲嫁禍帝不問

既而宗憲以罪被逮宗憲初因趙文華結歡嚴嵩父子文華死又因羅龍文以進賂及嵩

敗言官劾其黨嵩罪得旨逮問既至帝以平汪直功釋之後復坐交通龍文罪下獄瘐死倭尋陷興

化府焚掠一空移據平海衛明置今裁故城在興化府莆田縣東不去自

倭躡東南破州縣衛所以百數未有及府城者興化故

名郡最繁富既陷遠近震動詔急徵大猷充總兵官繼

光爲副合兵往討時劉顯自廣東赴援以兵少壁城下

不敢戰大猷至亦不欲攻俟大軍之集乃與顯別邀賊

于長樂唐縣今屬福州府殲之至是繼光以浙江兵來會繼光先破

倭于橫嶼還浙江橫嶼在寧德縣東南海中巡撫譚綸字子理宜黃人令繼光將中

軍顯左大猷右合攻賊于平海繼光先登左右軍繼之

斬級二千二百有奇還被掠者三千人倭遁去遂復興

化其侵犯他州縣者亦爲諸將所破閩患少熄倭起二十餘載

攻破城邑殺傷官吏軍民不可勝紀。轉漕增餉天下騷然。至是大創而去。其後繼光大猷復連敗之。東南始得安枕矣。

冬十月錫林阿巴圖爾舊作把都兒今改後仿此入寇京師戒嚴。

虜數犯遼塞總督楊選舊作通罕今改囚繫三衛長托干舊作通罕今改令其

子更迭為質托干錫林阿妻父也冀以牽制錫林阿三

衛皆怨至是錫林阿巴圖爾等潰牆子嶺關名在密雲縣北入

大掠順義三河諸將趙溱孫贍戰死京師戒嚴詔諸路

兵入援虜駐內地八日大同總兵官姜應熊敗之于密

雲乃退詔誅選初寇之入也帝方祠肇兵部尙書楊博

等入援會帝見城東火光知寇已逼大驚諭階議逐寇

而芳兵已先至階請亟賞之令專護京師及寇退帝怒

博不早聞欲與楊選同論罪階力為救解

馬芳字德馨蔚州人

敵騎縱掠近甸京邑戒嚴楊博職任中樞正宜急籌入告以速靖寇氛顧烽火遠徹宮中竟以禱釐嚴秘致警報匿不上聞其罪實難復遣乃楊選既伏刑誅

而博竟以救按獲免總由
廷臣恒怯一遇寇警必切
齒啟覺之人而袒護私交
雖玩敵亦視為常事刑政
愆矣若此國事安得不壞
邪

甲子四十三年春二月伊王典模厲王模六世孫有罪廢為庶人國除。

典模在國多不法常奪民舍以廣其宮索郎中陳大壯宅不與使人絕大壯飲食斃之築崇臺連城擬帝闕強取民間子女七百餘留其姝麗者餘令以金贖巡撫張永明烏程人等上言狀詔壞所造宮室歸民間女執羣小付有司典模不奉詔法司言典模無藩臣禮宜禁高牆除世封從之。

夏五月壬辰朔日食。

乙丑四十四年春三月袁煒以病免。

煒疾篤請假歸道卒。

煒貴倨鮮渙故出徐階門直以氣凌階館閣士出門下者斥辱尤不

堪人皆畏而惡之。及卒。諡文榮。

嚴世蕃伏誅

世蕃論戍雷州。未至而返。

初。嵩歸至南昌。值萬壽節。使道士藍田玉為帝建醮。鐵柱

宮。田玉善召鶴。嵩取其符籙。并已祈鵠文上之。因乞移

世蕃近地。以便就養。詞甚哀。帝不許。而世蕃遽返。鐵

柱宮。在南昌城內。中有鐵柱。相傳許旌陽所鑄。以鎮蛟螭之害。明嘉靖後。改名妙濟萬壽宮。羅龍文

一詣戍所。即逃還徽州。數往來江西。與世蕃計事。世蕃

大治園亭。勢焰不少衰。其監工奴見袁州推官郭諫臣。

長洲人。不為起會。南京御史林潤。字若雨。莆田人。按視江防。因與

諫臣謀。馳疏盡發其罪。疏曰。臣巡視上江。備訪江洋羣盜。悉竄入逃軍羅龍文。嚴世蕃

家。龍文卜築深山。乘軒衣蟒。陰有不臣之心。而世蕃日

夜與龍文誹謗時政。搖惑人心。近假名治第。招集勇士

至四十餘人。道路洶洶。咸謂變且不測。

帝得疏。大怒。即詔潤逮捕。世蕃子紹庭。官

明世宗皇帝

錦衣聞命。急報世蕃。使詣戍所。方二日。潤已馳至。既至。世蕃猝不及赴。乃械以行。龍文亦捕得于梧州。

京。潤復劾嵩。世蕃罪甚具。且及寃殺楊繼盛。沈鍊狀。世

蕃喜。謂其黨曰。無恐。獄且解。刑部尚書黃光昇

晉江人。等。

以獄詞白徐階。階曰。諸公欲生之乎。僉曰。必欲死之。階

曰。若是。適所以生之也。夫楊。沈之獄。嵩皆巧取上旨。今

顯及之。是彰上過也。必如是。諸君且不測。嚴公子騎歛

段出都門矣。爲手削其草。獨按羅龍文與汪直交通。賄

世蕃求官。世蕃用日者言。以南昌倉地有王氣。取以治

第。制擬王者。又結宗人與樸。陰伺非常。多聚亡命。南通

倭。北通虜。共相響應。卽日令光昇等疾書奏之。世蕃聞。

詫曰。死矣。遂棄市。籍其家。

黃金可三萬餘兩。白金三百餘萬兩。他珍寶服玩。所值又

簡擢出自廷推實為明代
弊政嘉靖獨以特旨遷除
似能矯正其失惜所授止
及侍直諸臣而郭樸高拱
仍由徐階薦得預機務究
無當于拔本塞源其後張
居正用事遂專任私意為
進退迄末流而枚卜亦悉
付廷推則更濁濫難制矣
蓋用人乃馭下大權太阿
豈宜旁落且命出于上即
所用未能盡當而失不過
一二人其患小若事出于
下無論推讓未必皆公縱

數百
萬

嵩及諸孫皆為民後二年嵩老病寄食墓舍以死

夏四月以吏部尚書嚴訥禮部尚書李春芳並兼武英殿
大學士預機務

袁煒去後徐階當國屢請增閣臣故有是命帝眷侍直
諸臣厚凡

遷除皆出特旨春芳自學士至
柄政凡六遷未嘗一由廷推

冬十一月嚴訥罷

訥仍掌吏部晨理部事暮直西苑供奉青詞積勞成疾

遂罷歸

訥既歸里父母皆在晨夕備物孝養人以為榮

銓二年適華亭當國諸事無阻且所任選郎賢舉無失
人華亭謂徐階選郎則陸光祖也陸光祖字與繩平

湖
人

丙寅四十五年春二月下戶部主事海瑞于獄

所舉果盡得人而黨援倖
進之風將自此而啟其患
大命官立政顧可不審乎
公私輕重之間乎

帝久不視朝。專意齋醮。廷臣自楊最、楊爵得罪後，無敢

言者。至是，瑞獨上疏論之。

畧曰：陛下卽位初年，敬一箴

未久而妄念牽之，謬謂長生可得。一意修元，二十餘年。

不視朝政，法紀弛矣。推廣事例，名器濫矣。二王不相見。

人以爲薄于父子。以猜疑誹謗，戮辱臣下。人以爲薄于

君臣。樂西苑而不返。人以爲薄于夫婦。吏貪官橫，民不

聊生。水旱無時，盜賊滋熾。陛下試思今日天下爲何如

乎。古者人君有過，賴臣匡弼。今乃修齋建醮，相率進

香。仙桃天藥，同詞表賀。建宮築室，則將作竭力經營。購

香市寶，則度支差求四出。陛下誤舉之，而諸臣誤順之。

無一人肯爲陛下言者，諛之甚也。自古聖賢垂訓，未聞

有所謂長生之說。陛下師事陶仲文，仲文則旣死矣。彼

不長生，而陛下何獨求之。誠一旦翻然悔悟，日御正朝，

與諸臣講求天下利病，洗數十年之積誤，使諸臣亦得

自洗數十年阿君之恥。天下何憂不治。萬

事何憂不理。此在陛下下一振作間而已。

帝得疏大怒。

抵之地。顧左右趣執之，無使遁。宦官黃錦在側，曰：聞此

人上疏時，市一棺，訣妻子，待罪于朝。童僕亦奔散無留。

者是不遁也。帝默然。少頃。復取讀之。爲感動太息。留中者數月。曰。此人可方比干。第朕非紂耳。會帝有煩懣疾。召徐階議內禪。因曰。海瑞言俱是。朕今病久。安能視事。又曰。朕不自謹惜。致此疾困。使朕能出御便殿。豈受此人詬詈耶。遂逮瑞下詔獄。論死。獄上。階力救。奏遂留中。三月。以吏部尙書郭樸兼武英殿大學士。禮部尙書高拱字肅卿。新鄭人。兼文淵閣大學士。並預機務。

樸拱皆由徐階薦。召入直廬。至是同入閣。

夏四月。壬戌朔。日食。

六月。旱。

秋七月。寇犯萬全右衛。總兵官馬芳擊敗之。

錫林阿十萬騎入西路。芳迎之馬蓮堡。堡圯。衆請塞之。不可。請登臺。亦不可。開堡四門。偃旗鼓。寂若無人。比暮。野燒燭天。囂呼達旦。芳卧。日中不起。敵騎窺者相屬。莫測所爲。明日。芳蹶然起。乘城指示衆曰。彼軍多反顧。且走。勒兵追擊。大破之。時寇屢犯東西諸塞。及冬。犯固原。崔世榮禦之。與其子大朝。大賓。俱力戰死。

冬十一月。帝有疾。

先是。帝以久病。忽欲南幸興都。即承天府。取藥。徐階力諫。乃

止。既而服方士王金等所獻丹藥。病遂甚。時方士至者

妄。無殊錫。金思所以動帝。乃偽造諸品仙方。與所製金石藥同進。其方詭秘。藥性燥。非服食所宜。帝御之。稍稍火發。不能愈。

十二月帝崩。

帝大漸。自西苑還大內。遂崩。徐階草遺詔。召用建言得罪諸臣。死者卹錄。方士付法司論罪。一切齋醮工作。及政令不便者。悉罷之。詔下。朝野號慟感激。時高拱郭僕以階不與共謀。不樂。僕曰。徐公謗先帝。可斬也。兩人遂與階有隙。

裕王載屋卽位。

是爲穆宗。赦。

以明年爲隆慶元年。

釋海瑞于獄。

先是瑞在獄。猶未聞大行狀。提牢主事先知之。以瑞且見用。設酒饌款之。瑞自疑當赴西市。恣飲瞰不顧。主事

因附耳語。宮車適晏駕。先生公即出大用矣。瑞曰。信然乎。即大慟。盡嘔出所飲食。隕絕于地。終夜哭不絕聲。及是既釋。復故官。俄再遷大理丞。

穆宗皇帝

丁卯隆慶元年春正月。罷睿宗配享明堂。

禮部尙書高儀

字子象。錢塘人。

上言。先帝肇祀明堂。奉睿宗配

享。今陛下踐阼。睿宗已爲皇祖。若仍配享上帝。似非周

人宗祀文王之義。請罷大享禮。從之。未幾。給事中王治

字本道。忻州人。

上言。獻皇帝雖爲天子父。實未嘗君臨天下。雖

爲武宗叔。嘗北面事武宗。今位武宗之右。揆諸古典。終爲未協。臣以爲獻皇祔太廟。不免遞遷。若專祀世廟。則

億世不改。乞敕廷臣博議。疏入。報聞而已。

追尊母杜氏為孝恪皇太后。

二月立皇后陳氏。通州人。

以陳以勤字通甫南平人。為禮部尚書兼文淵閣大學士。張居正

字叔大。江陵人。為吏部侍郎兼東閣大學士。並預機務。

以勤居正俱侍裕邸講讀。至是並參大政。時徐階以宿

李春芳皆折節下土。居正最後入。獨引相體。倨見六卿。無所延納。間出一語。輒中旨。人以是嚴憚之。重于他相。

三月葬永陵。

諡曰肅皇帝。廟號世宗。

明史贊曰。肅皇帝御極之初。力除一切弊政。天下翕然稱治。顧迭議大禮。輿論沸騰。倖臣假托。尋興大獄。夫天性至情。追尊立廟。禮亦宜之。然升祔太廟而躋于武宗之上。不已過乎。若其時紛紜多故。將疲于邊。賊訐于內。

而崇尚道教。享祀弗經。營建繁興。府藏告匱。雖剪剔權奸。威柄在御。要亦中材以下之主也已。

夏四月。御經筵。

五月。夏鎮。

在徐州府沛縣東北。新河成。

初。嘉靖七年。河溢阻運。總河都御史盛應期。請于昭陽

湖。

有大小二湖相連。北屬山東滕縣。南屬江南沛縣。亦名山陽湖。

東。別鑿新渠以通漕。

廷議從之。會應期罷。役中止。至四十四年。河大決。沛縣

飛雲橋。

在縣南。為往來津要。

分為十數股。潰入昭陽。運道淤塞百

餘里。督理河漕尚書朱衡。

字士南。萬安人。

循行應期舊迹。請開

南陽。

鎮名。在兗州府魚臺縣東北。

留城。

在沛縣東南。即古留邑。漢張良封此。

上下。總河

都御史潘季馴。

字時良。烏程人。

不可。衡言。是河直秦溝。

在徐州府銅山

縣東。

有所束隘。伏秋黃水盛。昭陽受之。不為壑也。乃決

計開濬身自督工重懲不用命者至是河成西去舊河三十里舊

河自留城以北經穀亭而至南陽新河亦自留城而北經夏鎮而至南陽與舊河合謂之夏鎮河凡百

四十里有奇又引鮎魚諸泉在滕縣凡三十四泉及薛河在滕縣南源出

寶峯山匯諸泉而為淵沙河有二俱在滕縣在縣北者

西經薛山因名薛河曰北沙河源出鄒縣嶧山

在縣南者曰南沙河即古鄒水注之築馬家橋隄在沛源出縣之述山下流俱入運

過黃水入秦溝使不東侵運道乃大通方工未成會河

復決論者紛然謂衡故興難成之役以倖功及工竣羣

議乃息未幾山水驟溢新河決壞漕艘給事中吳時來

言新河受費嶧鄒滕諸水以一堤捍羣流豈能不潰宜分之以殺其勢衡乃開支河四洩其水入赤山

湖吳時來以遺詔復故官赤山湖在滕縣西南與微山韓莊諸湖相連

高拱罷

初徐階甚親拱及拱驟貴負氣頗忤階世宗疾亟拱方

直西苑遽移具出拱無子移家近直廬時竊出會世宗不豫誤傳非常拱遂移直廬器用于

其家為給事中胡應嘉沐陽人所劾拱疑出階指大憾之及

帝即位階為首輔拱自以舊臣數與抗郭樸復助之因

事削應嘉籍應嘉掌吏科佐部院考察以吏部尚書楊博庇鄉里劾之帝責其抵牾下閣臣議罰

樸奮然曰應嘉無人臣禮當編氓階給事中歐陽一敬

旁睨拱見拱方怒勉從之言路大譁彭澤人等劾拱以私怨逐諫臣拱疏辯階擬旨慰留而

不甚譴言者拱益怒相與忿詆閣中御史齊康永平人為

拱劾階坐黜于是論拱者無虛日拱不自安乞罷歸

六月霪雨傷稼

帝素服修省避殿御皇極門視事

秋七月遣使招撫山東河南流民給復五年

八月帝視國子監

九月諳達寇山西

諳達數犯山西

時邱富已死趙全在虜益用事尊諳達為帝治宮殿期日上棟忽大風棟墜傷

數人諳達懼不敢居全乃為諳達言大同兵弱亭障稀可以逞故屢入犯至是復率眾數萬

分道入井坪

在朔平府平魯縣南有城明成化中建置守禦所于此

朔州偏頭關

老營

堡名在寧武府偏關縣東亦成化中建

諸處邊將不能禦遂長驅破

石州

今汾州府永寧州本唐宋石州明因之不改隆慶後始更名永寧

殺知州王亮采

大掠孝義

後魏永安唐改名今縣屬汾州府

介休

漢界休晉改界為介今縣屬汾州府

平

遙

漢平陶後魏更名今縣亦屬汾州府

文水

隋縣今屬太原府

交城

亦隋縣今屬太原府

谷

漢陽邑隋改名今縣屬太原府

隰州

注見前

間男女死者數萬而三衛

勾土默特。

注見前。

同時入寇薊鎮昌黎。

注見前。

撫寧。

注見前。

樂

亭。

金縣今屬永平府。

盧龍皆被蹂躪。遊騎至灤河。京師震動。三

日乃引去。諸將追之。敵出義院口。

在撫寧縣東北。有關。

會大霧。迷

失道。墮棒槌崖中。人馬枕藉。死者甚衆。

郭樸罷。

初言官劾高拱者多及樸。拱歸。樸亦求去。帝固留之。御

史龐尙鵬。

字可南。南海人。

凌儒。

泰州人。

等攻不止。遂乞歸。

樸家居二十年。

卒諡

文簡。

冬十月。以王崇古

字學甫。蒲州人。

總督三邊。

時濟農據河套。為西陲諸部長。別部賓都。

舊作賓土。今改。後仿此。

駐牧大小松山。

大松山在京州府平番縣東北。接蘭州界。小松山在其北。為邊陲要地。

南

擾河湟番族環四鎮延綏寧夏固原甘肅是為陝西四鎮皆寇乃擢崇古

兵部侍郎總督陝西延寧甘肅軍務

戊辰二年春正月杖給事中石星字拱辰東明人于廷黜為民

星上疏言陛下為鼇山之樂縱長夜之飲極聲色之娛

朝講久廢章奏遏抑一二內臣威福自恣肆無忌憚天

下將不可救帝大怒詔杖六十黜為民中官滕祥者以造作奇巧得幸

會監杖星大詬之祥怒予重杖星絕而復甦其妻鄭誤聞星已死遽觸柱死聞者哀之

二月命廷臣舉邊才

三月立子翊鈞帝第三子為皇太子即神宗

京師地震

夏五月以都督同知戚繼光鎮薊州

繼光與俞大猷均稱名將而繼光屢摧大寇

平浙閩倭又平江西

賊名更出大猷上給事中吳時來以薊門多警請召大

猷繼光專訓邊卒部議獨用繼光乃命以都督同知總

理薊州平昌保定三鎮練兵事尋以薊州既有總兵官

又設總理事權不一乃召還總兵官郭琥而以繼光爲

之鎮守薊州永平山海諸處繼光建敵臺千二百座臺

高五丈睥睨四達虛中爲三層臺宿百人鎧仗糗糧具

備精堅雄壯二千里聲勢聯接又立車營每車一輛用

四人推輓戰則結方陣而馬步軍處其中製拒馬器遏

寇騎衝突寇至火器先發稍近則步軍持拒馬器排列

面前間以長鈴簽笮

兵器名以大毛竹爲之簾二尺長一丈五六尺刃在具頂長一尺用

簾簾二尺長且一丈五
六尺而刃在具頂又長一

一、持之不久。疲二、八時之旋轉。格必不適。三、當時以為禦敵精器。四、真不值一噓。且北方之強。五、勝南方之強人所易知。六、此節素嫻步伐。七、勝北軍。蓋繼光勦寇東南。八、不多舊部。其奏請募調。九、與兼顧思用趙人之意。耳。而記載家左袒南人。遂若南人之果勝北人者。以是知言兵有不取敗之理乎。

為行伍藩籬。見戚繼光武藝篇。寇奔則騎兵逐北。又置輜重營隨其後。而以南兵為選鋒。時邊卒木彊。律以軍法。多不堪用。繼光請募浙人為一軍。用倡勇敢。許之。浙兵三千至。陳郊外。天大雨。自朝至日昃。植立不取動。邊卒大駭。自是始知軍令。八衛兵主策應。本衛兵專戍守。節制精明。器械犀利。薊門軍容遂為諸邊冠。

秋七月。徐階罷。

帝即位以來。階所持諍。多宮禁事。伸者十八九。中官多

側目。帝欲命中官分督團營。階力陳不可而止。羣小璫

名。劾何益。且慮彼先誣我。乃使人以好語誘大璫。先錄其主名。庭疏上。乃分別逮治有差。王庭字子正。南充

人。給事中張齊。長安人。前奉命犒軍宣大。納鹽商金。因疏

請恤邊商。革餘鹽。為階所格。至是。上疏攻階。階引疾求

退。帝意亦漸移。許之。

冬十月。遼王憲爚

莊王致格子。

有罪。廢爲庶人。國除。

憲爚在嘉靖時。以奉道被寵。賜真人號。至是。巡按御史

郅光

山西長治人。

劾其淫虐僭擬諸罪狀。遣侍郎洪朝選

字舜

臣同安人。

等往勘得實。覓爲庶人。國除。初。張居正家荊州。與

憲爚有隙。及朝選在勘。諷令坐以謀反。朝選不從。居正

怒。屬巡撫勞堪

江西德化人。

羅織。朝選死獄中。

十一月。宣府總兵官馬芳。襲寇于長水海子。

即白海子。注見前。

敗之。鞞子山。

亦曰馬鞍山。在獨石口東北。

先是。或爲錫林阿謀。以五萬騎犯蔚州。誘芳出。而以五

萬騎襲宣府。可得志。芳預伐木環城。寇不得上。乃解去。

頃之芳率參將劉潭等出獨石塞外襲其帳于長水海

子還至塞追者及鞍子山芳迎戰又大敗之芳有膽智

至先士卒一歲數出帥搗巢或躬督戰或遣裨將豕畜

健兒得其死力嘗命二十人出塞四百里冬所斬獲寇

大震芳乃帥師至大松林頓舊輿和衛登高四望耀兵而還與和衛注見前

三年夏四月以海瑞為僉都御史巡撫應天諸府

瑞威望久著屬吏聞其至墨者多自免去中官監織造

者為減輿從有勢家朱丹其戶恐瑞見即黜之瑞銳意

興革請濬吳淞白茆通流入海民賴其利素疾大戶兼

并力摧豪彊撫窮弱下令飈發凌厲所司惴惴奉行富

家巨室或竄他郡以避其見憚如此瑞撫吳甫半歲再

督南京糧儲小民聞瑞當去號泣載道家繪像祀之為言路所論遂改

秋八月。以禮部尙書趙貞吉兼文淵閣大學士。預機務。

初。帝幸太學。會祭酒胡杰論罷。貞吉以禮部侍郎攝事。

貞吉在嘉靖朝。由謫籍。屢擢戶部侍郎。罷歸。帝卽位。復起禮部。講大禹謨稱旨。命充日

講官。貞吉年踰六十。而議論侃直。進止有儀。帝深注意。

及是。遂以尙書參機務。貞吉入謝。奏言。朝綱邊務。一切

廢弛。臣欲捐軀任事。惟陛下主之。帝益大喜。

廣東海賊曾一本伏誅。

一本初。與大盜黃平聚衆數萬。剽掠惠潮間。與倭相倚。

角。已而總兵官俞大猷以次殲倭。畧盡。平爲副將湯克。

寬。邳州衛人。所敗。遠竄去。一本降而復叛。突犯雷州。執參將。

繆印。又犯廣州。殺知縣劉師顏。尋復陷碣石衛。在惠州府海豐。

縣東南。明洪武中置。今裁。裨將周雲翔殺參將耿宗先叛附于賊。勢

益熾。時大猷已收鎮廣西。詔止勿赴。令與廣東福建總

兵官李錫。歙人。郭成。四川敘南衛人。同討一本。錫出海與大猷

遇。擊賊三戰皆捷。會成亦敗賊。執周雲翔。率參將王詔

等以師來會。分三哨進。一本駕大舟力戰。諸將連破之。

燬其舟。詔生擒一本。及其妻。斬首七百餘。死水火者萬

計。時閩廣隨在皆盜。而一本最彊。既平。患漸息。

冬十一月。京師地震有聲。

十二月。命廠衛刺部院事。

帝以災異頻仍。由部院政事不平所致。令廠衛密訪以

聞。于是尚書毛愷。字達和。江山人。侍郎萬士和。字思節。宜興人。等皆自

劾求去。帝慰留。給事中舒化

字汝德臨川人

等上言。祖宗設廠

衛。令捕盜詰奸。非以察百官也。制馭百官。乃天子之權。

而奏核諸司。責在臺諫。今陛下委之廠衛。廠衛必托之

番校。此輩貪殘。恐開羅織之門。不可不慎。帝不從。已而

事竟寢。

召高拱復入閣。兼掌吏部。

拱性彊直。自遂。頗快恩怨。及再入閣。盡反徐階所爲。凡

先朝得罪諸臣。以遺詔錄用。贈卹者。一切報罷。且言明

倫大典。頒示已久。今褒顯議禮諸臣。將使獻皇在廟之

靈。何以爲享。先帝在天之靈。何以爲心。而陛下歲時入

廟。何以對越二聖。帝深然之。

時拱專與徐階修睦。所論皆欲以中階。重其罪。會帝

仁柔弗之竟階子弟頗橫鄉里郡邑有司希拱指簿其子弟皆編戍盡奪其田所以扼階者無不至。

杖尙寶司丞鄭履淳

字叔初海鹽人尙書曉之子

下獄

履淳上疏極言時政

畧曰頃年以來萬民失業四方多故天鳴地震災害洊臻臣等當痛

哭流涕于殿庭陛下亦當卧薪嘗膽于宵旰今最急莫如用賢陛下御極三禩矣曾召問一大臣面質一講官賞納一諫士以共畫思患豫防之策乎高亢孤睨乾坤否隔忠言重折檻之罰儒臣虛納瞞之功官闈違脫珥之規朝陛拂同舟之義闍寺潛爲厲階善類漸以短氣童牛羖豕無先事之圖社鼠城狐有難施之計患豈在明前車不遠伏願奮英斷以決大計勿爲小故之所淆衷濟哲以任君子勿爲嬖昵之所惑移美色珍奇之玩而保瘡痍分昭陽細務之勤以和庶政萬幾之裁理漸熟人才之邪正自知察變謹微同天開泰計無踰此

疏入帝大怒杖之百繫刑部獄數月刑科舒化等以爲

言乃釋爲民

履淳父曉通經術明習國家典故爲都御史禦倭有功遷刑部尙書與嚴嵩不合罷

歸卒嵩敗履淳訟于朝帝卽位曉贈官賜諡至神宗初履淳復起光祿少卿尋卒

庚午四年春正月己巳朔日食罷元會。

是月月復食給事中陳吾德

字懋修歸善人

疏言歲首日月並

食天之大災陛下宜屏斥一切玩好應天以實報聞。

五月罷京營總督分設三大將領之。

趙貞吉言先朝禁軍列三大營營各有帥今以一人總

三營權重難制因極論其弊請分五營各統以大將稍

復祖宗之舊帝善之令兵部會廷臣議尚書霍冀與貞

吉不協不然其言廷臣亦多言彊兵在擇將不在變法

冀等乃上議三大營宜如故惟以一人爲總督權太重

宜三營各設一大將而罷總督以文臣爲總理報可。

未幾

復置總督協理大臣貞吉不能爭。

夏四月。京師地震。

秋七月。禁章奏浮詞。

高拱言。比來章奏鋪綴連牘。言多意晦。端緒難尋。反可竄匿名實。請嚴加禁約。從之。

陳以勤罷。

初。以勤入閣。徐階爲首輔。而高拱方嚮用。朝士各有所附。交相攻。以勤中正無所比。及拱再入。與趙貞吉相軋。張居正復中搆之。以勤與拱舊僚。貞吉其鄉人。而居正則所舉士也。度不能解。引疾乞休去。

以勤歸六年卒。贈太保。諡文端。

八月。宣大告警。敕備邊。

時李春芳雖爲首輔。而政皆自高拱出。邊警猝至。拱請

御批歷代通鑑輯覽卷之二十一

命侍郎曹邦輔邦輔于帝即位初起王遴字繼津霸州人督師。

列陳以待。以都御史栗永祿守昌平。護陵寢起。劉燾于

天津守通州儲。命總督王崇古譚綸主進勦機宜。戴才

理糧餉。邊境得無事。拱練習政事。有才畧。凡所建白多

輩並居言路。日夜奔走其間。專務搏擊。尚寶卿劉奮庸

上疏陰斥之。給事中曹大埜劾拱不忠十事。皆謫外。

韓楫蒲州人。劉奮庸洛陽人。曹大埜巴縣人。

罷戶部尚書劉體乾字子元東安人。

時內供寢多。數下戶部取太倉銀。又趣市珍珠黃綠玉

諸物。體乾屢疏爭。積忤帝意。遂罷。先是御史詹仰庇諫

多藏中貴家。何必求之于外。不報。已而仰庇巡視十庫。疏請嚴覈內官監出納歲數。并節省。一為無益浮費。會

疏中有再照人主語。內官摘出。激帝怒。以為大不敬。杖之百。斥為民。并罷科道之巡視庫藏者。至是給事中陳

吾德李已復上疏言。比買玉市珠。傳帖數下。人情惶惑。謂內官崔敏等獻詔營私。罪不可宥。乞卽斥譴。以清左右。帝震怒。杖已百。錮刑部獄。斥吾德爲民。已久之始得釋。詹仰庇字汝欽。安溪人。李已字子復。磁州人。

九月河決邳州

初。新河旣成。南北諸支河。悉併流秦溝。河勢益大漲。三年七月。決沛縣。漕艘不得進。至是。復決邳州。自睢寧白

浪洩。至宿遷小河口。淤百八十里。漕道復阻。河道侍郎

龔大立

字傳參。餘姚人。

言。邇來河患。不在豐沛。而在徐邳。臣以

爲權宜之計。在棄故道而就新衝。經久之策。在開泇河

有東西二泇。東泇出沂州府西北箕山。西泇出嶧縣東

北抱犢山。東南流至三合村。與東泇合。又南入泗。謂之

泇。以避洪水。帝命大立躬自相度。條利害以聞。已而大

漕削籍。復以朱衡經理河道。遂罷泇河議。專事徐邳。築

黃隄。正河安流。運道復通。事在六年正月。

以李成梁字汝器。世鐵嶺衛指揮僉事。為遼東總兵官。

錫林阿入遼東。總兵王治道戰死。擢成梁署都督僉事代之。時諳達諸部。屢窺塞下。十年間。大將死者數人。成梁乃大修戎備。甄拔將校。收召健兒。給以厚餼。用為選鋒。軍聲始振。

冬十月。諳達孫巴噶奈濟舊作把漢那吉。今改。後仿此。內附。詔授指揮使。尋遣歸。

巴噶奈濟者。諳達第三子塔本台吉舊作鐵背台吉。今改。之子也。

幼孤。育于諳達妻伊克哈敦舊作一克哈屯。今改。所。既長。娶必濟。

舊作比吉。今改。不相得。復自聘鄂爾多斯舊作禰兒都司。今改。女。號三娘。

子。卽諳達外孫女也。諳達見其美。奪之。巴噶恚。率其屬
十餘人來歸。大同巡撫方逢時。字行之。嘉魚人。告總督王崇古。

崇古于四年正月。改督山西宣大。曰。機不可失也。率五百騎往受之。崇

古上言。巴噶來歸。非擁衆內附者可比。宜給官爵。豐館
餼。飾輿馬。以示諳達。諳達急。則令縛送拜姓諸叛人。不
聽。卽脅誅巴噶。牽沮之。又不然。因而撫納之。如漢置屬
國。居烏桓故事。使招其故部。徙近塞。諳達老且死。黃台
吉立。則令巴噶還。以其衆與台吉抗。我按兵助之。此誠
安邊之良策也。奏至。朝議紛然。高拱。張居正。力主崇古
議。詔授巴噶指揮使。諳達方西掠土番。聞之。急引還。約
諸部入寇。崇古檄諸道嚴兵禦之。敵不得利。伊克哈敦

思其孫。日夜哭。諳達患之。使來請命。逢時遣譯者鮑崇

德往。令縛送拜牲諸叛人。以易巴噶。

崇德入其營。諳達盛氣待之。崇德曰。

朝廷待而孫甚厚。今稱兵。是速其死也。諳達疑巴噶已死。聞言心動。使使謂之。崇古令巴噶緋袍金帶。見使者。

諳達喜過望。崇德因說之曰。趙全等旦至。巴噶夕歸。諳達因屏人語曰。我不為亂。亂由全等。天子若封我為王。

長北方諸部。孰敢為患。即死。吾孫當襲封。彼衣食中國。忍背德乎。遂遣使致書。逢時而全方德恩周兵。諳達又

惑之。全嘗投書。逢時欲歸中國。逢時以示諳達。始有執全意。錫林阿奄至大同。逢時以巴噶箭示之。錫林阿執

箭泣曰。此吾弟塔本台古故物也。其來求巴噶。巴噶既受官。當更計之。會諳達召錫林阿還。乃引去。諳達

遂遣使與崇德求封。請立市。始執趙全等九人來獻。

詔磔于市。崇古亦以帝命。遣巴噶歸。

十一月。趙貞吉罷。

高拱掌吏部。貞吉亦掌都察院。拱以私憾。考察科道。欲

陟大典尤當虛公稽榘求
協輿評乃謀遂私人互相
排制祇以朋黨為心不復
顧國家政體豈大臣所宜
出此且使拱快心貶斥貞
吉果公正無瑕何不早為
糾許顧始而相持求解比
拱嫉人劾奏方以其壞亂
選法為言力圖報復拱固
專橫貞吉亦豈能免于營
私巧官哉

去貞吉所厚者。貞吉亦持拱所厚以解。于是斥者二十
七人。而拱所惡者咸與。拱猶以為憾。喉門生給事中韓
楫。劾貞吉庸橫。貞吉疏辯。言臣掌風憲。目睹拱壞亂選
法。噤口不能一言。有負任使。真庸臣也。若拱者。斯可謂
橫也。已。臣放歸之後。幸仍還拱內閣。毋令久專吏部權。
廣樹眾黨。疏入。帝竟允貞吉去。而拱掌吏部如故。貞吉
使氣。動與物忤。人多怨之。歸
十餘年卒。贈少保。諡文肅。
以禮部尚書殷士儋。字正甫。歷城人。兼文淵閣大學士。預機務。
士儋本裕邸舊僚。高拱惡其不親已。不為援。士儋遂藉
太監陳洪力。取中旨入閣。

辛未五年春。二月。命廷臣及朝觀官。謁皇太子于文華左門。

封皇子翊鏐

帝第四子。

爲潞王。

後之藩衛輝。

三月封諳達爲順義王。

巴噶柰濟旣歸。諳達及其妻撫之泣。遣使報謝。誓不犯大同。王崇古上言。朝廷許諳達封貢。諸邊有數年之安。可乘時修備。設敵背盟。吾以數年蓄養之力。從事戰守。愈于終歲奔命。自救不暇者矣。復條封貢八事以請。詔下廷臣議。議各不同。會帝御經筵。閣臣面請外示羈縻。內修守備。乃封諳達順義王。各所居城曰歸化。昆都埒赫。卽老巴噶。諳達弟。舊作昆都力。今改。錫林岡等。皆授都督同知等官。有差。封巴噶柰濟昭勇將軍。指揮如故。已而套部濟農亦如約請命。詔授官如昆都埒赫。由是西塞諸部歲來貢。

市自言大至甘肅邊陲晏然不用兵革者二十餘載

夏五月李春芳罷

初春芳代徐階爲首輔務以安靜稱帝意同列陳以勤故端謹張居正恃才凌物視春芳蔑如也方階罷春芳歎曰徐公尚爾我安能久容旦夕乞身耳居正遽曰如此庶保令名春芳愕然三疏乞休不允旣而趙貞吉入代以勤剛而負氣及高拱再入直凌春芳出其上春芳不能與爭自飭而已會拱逐貞吉勢益張修階故怨春芳常從容爲階解拱益不悅言官希拱意疏詆春芳乃罷歸後數年卒

六月京師地震

冬十月河南山東水

十一月殷士儋罷

御史趙應龍

涇陽人

劾士儋進由內侍不堪大任給事中

韓楫復揚言脅之士儋遂乞休去

士儋家居十餘年卒謚文通久之收謚文

莊

壬申六年春閏三月帝有疾

帝御皇極門疾作遽還宮

夏四月以禮部尚書高儀兼文淵閣大學士預機務

初儀掌禮部秉禮循法居職甚稱爲言路所劾遂引疾

歸已用高拱薦以故官侍東宮講讀掌詹事府及是遂

入閣

五月。帝崩。

帝疾稍平。將視朝。登陞忽眩。幾仆。亟召高拱。張居正。至。帝執拱手。歎語備至。居正在旁。帝弗顧也。帝令拱扶掖還宮。尋命宿乾清門。拱與居正同止焉。未幾。帝大漸。召拱。居正。及高儀。同受顧命。遂崩。

六月乙卯朔。日食。

太子翊鈞卽位。

是爲神宗。赦。

以明年爲萬歷元年。

詔祀建文朝盡節諸臣于鄉。有苗裔者卹錄。

罷中極殿大學士高拱。

始拱與張居正友善。既而內離。猜防日甚。中人馮保。深

人。次當掌司禮監。拱薦陳洪。及孟冲。保以是怨拱。而居

正與保深相結。

穆宗疾再作。居正處分十餘事。使小吏

居正曰。密封謂何。

天下事不以屬我曹。而屬之內豎。何也。居正面發赤。乾笑而已。

遺詔與閣臣同受顧命。及帝登極。保升立御座旁不下。

舉朝大駭。保遂掌司禮監。又督東廠。總兼內外。勢益張。

拱以主上幼冲。懲中官專政。疏請詔司禮權。又屬言官

合疏攻保。而已從中擬旨逐之。使人報居正。居正陽諾

之。而私以語保。保訴于太后。謂拱擅權不可容。太后領

之。明日召羣臣入。宣兩宮及帝詔。拱意必逐保也。急趨

入。比宣詔。則數拱罪而逐之。拱伏地不能起。居正掖之

出。拱急僦驛車出宣武門。居正乃與高儀請留拱。弗許。

請得乘傳許之。拱既去，居正遂為首輔。

高儀卒。諡文端。

儀性簡靜，寡嗜好。入閣兩月卒，貧無以殮。

以禮部尚書呂調陽

字和卿，廣西臨桂人。

兼文淵閣大學士，預機務。

高儀既卒，張居正以調陽弱，薦代之。居正專決，調陽不敢有所持諍，然內不甚附之。

秋七月，尊皇后為仁聖皇太后，貴妃李氏

涿縣人，帝生母。

為慈聖

皇太后。

舊制，天子立，尊皇后為皇太后。若有生母，稱太后者，則加徽號以別之。馮保欲媚帝生母李貴妃，風張居正以並尊，居正不能違也。慈聖移居乾清宮，撫視帝，內任保。

而大柄悉以委居正焉。

帝御文華殿講讀。

張居正請定三六九日視朝。餘日御文華殿講讀。

九月葬昭陵。

在昌平州大峪山東北。

明史贊曰。穆宗端拱寡營。許諾達封貢。邊陲寧謐。繼體守文。可稱令主矣。第柄臣相軋。門戶漸開。而帝未能振肅乾綱。矯除積習。蓋亦寬恕有餘。而剛明不足者歟。

冬十月彗星見東北方。

至二年四月乃滅。

十二月以宋儒羅從彥李侗從祀孔廟。

神宗皇帝

癸酉萬歷元年春正月男子王大臣入乾清宮尋伏誅。

大臣京師傭奴。僞爲內侍服。入乾清宮。被獲。下東廠。馮保欲緣此以陷高拱。令家人飲食之。納刃其袖中。俾言拱怨望。與太監陳洪拱先薦洪掌司禮。故保怨之。謀大逆。遂發緹騎

馳械高氏奴。圍拱里第。張居正亦請詰主使。舉朝洶洶。

謂且逮拱。吏部尚書楊博。左都御史葛守禮。字與立。諱德平。人。詣

居正力解。居正奏緩其獄。博陰囑錦衣。怵大臣吐實。又

以拱僕雜稠人中。令大臣識別。茫然莫辨也。會帝命守

禮偕都督朱希孝。成國公朱能五世孫。會訊。大臣疾呼曰。許我富

貴。乃榜掠我邪。且我何處識高閣老。希孝不敢鞫而罷。

保懼。以生漆酒瘖大臣。移付法司。坐斬。拱得白。

二月。御經筵。

三月。詔舉將才。

張居正進講。因言。今承平日久。武備廢弛。文吏箝制。弁員不啻奴隸。平日不能養其鋒銳。臨敵何以責其折衝。嗣後將帥忠勇可任者。宜假以事權。俾得展布。故有是命。

秋。九月。以方逢時總督宣大軍務。

始逢時與王崇古共決貢市之議。及崇古入理京營。以居正薦。逢時代之。至則申明約信。邊境以安。

四川都掌蠻。注見前。平。

成化初。都掌蠻亂。尚書程信。襄城伯李瑾討平之。事具前。

隆慶末。復亂。其酋阿太。阿二。方三等。據九綵山。在敘州府興文。

縣東南上有城為蠻巢穴。僭稱王。剽遠近。其山修廣而四隅峭仄。九

紀要九絲山周圍三十餘里。上有九崗。四東北則雞冠

嶺。上有都都寨。九絲左臂。為凌霄峯。最高險。有城。鼎峙相

連。峻壁皆數千仞。有阿苟者。居凌霄城。為賊耳目。威儀

出入如王者。巡撫會省吾。鍾祥人。屬總兵官劉顯以軍事。

顯被劾當罷。又起故將郭成為之副。成亦被劾。督軍往

討。至是。諸軍集敘州。誘執阿苟。拔凌霄。鑿灘通餉。進逼

都都寨。克之。斬賊黨阿墨。于是顯分兵為五哨。盡壁九

絲城下。乘夜賊無備。腰絙而上。斬關入。賊驚潰。郭成復

破雞冠三酋。阿大。阿二。阿三。以次就擒。凡克寨六十餘。獲賊魁

三十六。拓地四百餘里。蠻寨既平。得銅鼓九十三。銅鐵

上可易千牛。次者七八百。得鼓二三。便可稱王。鼓山巔。羣蠻畢集。今已矣。銅狀如鼎。大可函牛。刻畫有文彩。相傳諸葛亮以鼓鎮蠻。鼓失。則蠻運終矣。

冬十一月立章奏考成法。

初諸司章奏。部院覆行撫按勘者。常稽不報。張居正請以大小緩急為限。立文簿。月終註銷。閣科部院遞相糾舉。誤者抵罪。自是政體為肅。

十二月朵顏察克圖

舊作朵顏長禿。今改。後仿此。

犯塞。總兵官戚繼光

擊之。

自諸達款塞。西鄙烽火寂然。獨土默特徙居察罕地。

今察

哈爾。明時曰察罕。在遼東口外。本朝移其部。衆于宣大近地。分為八旗。設佐領等官管轄。

控弦十

餘萬。常為薊門憂。泰寧朵顏諸部。皆與交通。時叛時服。

明白中葉已後黨廉賂隔
百度日曠張居正奏請具
議皇極一見史冊修為盛
事顧其舉之也特循考察
之虛文一獎賞遂已畢事
上無疇咨之意下鮮敷奏
之言則所謂廉能課最者
率出諸司竿牘私人于述
職之義庸有當乎

是年春朵顏部長董呼哩

舊作董孤狸

及兄子長安

舊作長昂今並

改後

仿此入犯喜峯口繼光擊敗之呼哩乃款關請貢至是

呼哩之弟察克圖復入寇繼光擒之于是呼哩長安率

部長親族三百人叩關請死乞赦察克圖繼光遣將受

降皆羅拜獻還所掠人攢刀設誓乃釋察克圖許通貢

如故

繼光在鎮十六年邊備修飭薊門守甚固敵無由入盡轉而之遼故李成梁獨擅戰功

甲戌

二年春正月召見朝覲廉能官于皇極門

太祖時外官奏事輒召見賜食訪民間疾苦佐貳雜職

有廉能愛民者常特遣行人齎勅獎賚宣順成弘朝亦

間行之張居正以考察屆期倣舊典具儀以上帝乃召

見浙江布政使謝鵬舉

蒲圻人

等二十人特加獎勵並賜

銀幣。

夏四月。詔內外官行久任法。

吏部尚書張瀚

字子文。仁和人。

請諸司久任。張居正善而行之。

由是藩臬守令皆得自展。

秋七月。淫雨。昭陵地陷。

八月。淮。揚。徐。河海並溢。

冬十月。決囚。

嘉靖季年。崇奉元修。又好祥瑞。遇事輒停刑。至是。審錄重囚。至四百餘人。張居正言縱釋有罪。無以懲惡。請如祖宗舊制。每歲一決囚。從之。時承平久。羣盜蝟起。至入城市。剗府庫。有司恒諱之。居正嚴其禁。匿弗舉者。雖循

吏必黜。得盜卽斬決。有司莫敢飾情。盜賊爲衰止。

乙亥三年春正月。徙遼東六堡。

遼陽鎮東二百餘里。舊有六堡。其地不毛。與遼陽聲援

不接。李成梁請移建孤山堡于章齊喀喇。舊作張其。旬。哈刺。今改。

在遼陽東南。險山堡于寬甸。亦在遼陽東南。沿江新安等四堡

于長甸。長嶺。俱在寬甸南。諸處仍以孤山險山二叅將戍之。

其地並據膏腴。扼要害。可拓境七八百里。益收耕牧之

利。廷議從之。

二月。始命日講官記注起居。

太祖初。設起居注給事中。尋罷。至是。始命日講官分直。

記注起居。纂輯章奏。臨朝侍班。時編修張位。以前代皆有起居注。而本朝獨無。

乃上言。臣備員纂修。竊見先朝政事。自非出于詔令。形諸章疏。悉湮沒無考。鴻猷茂烈。鬱而未章。徒使野史流傳。用偽亂真。今史官充位。無以自効。宜日分數人入直。凡詔旨起居。朝端政務。皆據見聞書之。爲他年實錄之助。張居正善其議。遂有是命。張位字明臣。新建人。

夏四月己巳朔日食既。

秋八月以張四維

字子維。蒲州人。

爲禮部尚書兼東閣大學士。預

機務。

張居正當國。四維歲時饋問。居正不絕。居正請增置閣臣。引薦四維。遂入贊機務。故事。入內閣者。曰同某人等辦事。至是直曰。隨元輔居正等辦事。于是四維恂恂若屬吏然。不敢以僚自處。隨居正後。拜賜進官而已。

河決陽山。

江浙頻歲水潦為災。是年五月淮揚又大水。詔察二府

有司貪酷老疾者罷之。至是河決碭山而北。淮決高家

堰。注見前。而東。高郵湖。在高郵州西北。天長以東之水皆匯此。達于運河。亦決清

水潭口。在高郵州北三十里。淮城幾沒。徐邳山陽南北漂蕩千里。

河道淤淺阻漕者數年。孝宗初漕臣白昂以運舟經甓社湖觸岸輒壞乃開複河于高

郵隄東以避其險長四十里名曰康濟至是湖水決漕

臣吳桂芳改挑康濟感河修復老隄河成名曰宏濟遂

為永利覺社湖與高郵湖相連亦名珠湖宋孫覺

于湖上見大珠光燭天古名吳桂芳字子實新建人

九月禮部尚書萬士和罷

士和初官庶吉士以忤嚴嵩改部曹累任按察布政使

並著清節及官尚書多所條奏時張居正欲越例贈朱

希忠王爵馮保為方士求官士和俱力持不可又給事

中余懋學

字行之婺源人

以言事得罪

懋學請寬大之政而

居正方務綜覈以為風

已遂斥為民及

士和言直臣不當斥由是積忤居正給

事中朱南雍

浙江山陰人

承風劾之遂謝病歸

後居正歿屢召不起卒諡

文恭

地震冬十月再震

丙子四年春正月下巡按遼東御史劉臺

字子畏安福人

于獄除名

為民

時御史在外每凌巡撫張居正欲痛抑之事小不合詰

責隨下又飭其長加考察以故言路多不平會臺奏遼

東大捷居正以巡按不得報軍功劾臺違制妄奏引故

事繩督之臺遂抗章劾居正專擅威福如逐大學士高

拱私贈成國公朱希忠王爵。引用張瀚。先是吏部尚書

守禮。朱衡及瀚。瀚資望最淺。居正惡守禮。慙厭衡驕。乃拔用瀚。張四維為黨。斥逐言官。

余懋學。傅應禎。應禎疏陳重君德。蘇民困。開言路。三事

侵已。調旨切責。下獄杖戍。未幾召還。等罔上行私。橫黷無厭。

居正怒甚。具疏辭政。入見帝言。言者謂臣擅威福。而臣

所行。正威福也。將巽順以悅下耶。則誤國。將竭忠以事

上邪。無以逃專擅之譏。因俯伏泣。不肯起。帝為下御座。

以手掖居正曰。先生起。吾逮臺竟其事。遂下臺詔獄。命

廷杖百。遠戍之。居正陽具疏救。乃除名為民。久之復用。

他事戍潯州。臺按遼東時。與巡撫張學顏不相得。至是

應昌巡按遼東。覈之。而令王宗載巡撫江西。廉臺里中

肥鄉人。

未幾。飲于戍主所。歸而暴卒。

後御史江東之。訟臺冤。詔復官。天啟初。追

諡毅思。

江東之。字長信。歙人。

二月。開草灣河。

注見前。

督漕侍郎吳桂芳上言。淮揚洪潦奔衝。緣海汙港久涇。

入海止雲梯關。

在山陽縣東北二百里。大河北岸。

一徑致海。擁橫沙河。

流汎濫而鹽。

鹽城。

安。

安東。

高。

高郵。注俱見前。

寶。

寶應。唐縣。今屬揚州府。

屢

成巨浸。國家轉運。惟知急漕。而不暇急民。故朝廷設官。

亦主治河。而不知治海。今黃河衝決。駸駸欲奪安東以

入海。請于草灣低窪之地。挑新口以迎大溜。安東衆流

滙圍。其勢垂陷。不如委之以拯全淮。延議安東未可棄。

而命開草灣。閱七月工竣。水患稍平。

其後通塞不時。至十七年。大河復由

此分流。奪正流十分之七。凡六十里。至安東南赤宴廟。仍合正河。

夏五月。命司禮太監馮保同法司錄囚。

秋七月。詔戶部明年漕糧。折收十之三。

從張居正請也。

先是漕舟以河決不時至。已而漕運通。居正以歲賦逾春發。水橫溢。非決卽涸。

乃采漕臣議。督艘卒。以孟冬兌運。及歲初畢發。少罹水患。行之久。太倉粟充溢。可支十年。

八月。帝視國子監。

河決崔鎮。

在桃源縣西北。

是年二月以後。江北旱。河水斷流。至是。徐豐沛。睢寧。金

鄉。魚臺。單。曹。八州縣。河又大決。田廬漂沒無算。河流齧

宿遷城。吳桂芳請遷縣治。築土城以避之。明年復決而

北。清口淤墊。全淮南徙。瀾漫山陽高寶間。會河向桃源

元置桃園縣。明日桃源。今縣屬淮安府。三義鎮。在縣東。舊名三義鎮。入老黃河故道。

明史河渠志。黃河自桃源三義鎮。歷清河縣北。至大河

口。會淮入海。是為老黃河。至嘉清初。三義鎮口淤。而黃

河改趨清河縣南。與淮會。淮水乘虛入清口。老黃河復

塞。于是大河故道遂廢。

塞。

五年春二月。廣東羅旁叛。今廣東羅定州。明為瀧水

水鎮。舊為羅旁地。縣屬德慶州。其南有廢瀧

人盤據于此。平。

羅旁。在德慶州上下江界。上江謂西江。下江謂南江。西

水。注見前。瀧水。在羅定州。東西兩山間。東山。在肇慶府

西。飛瀑驚湍。最為險阨。封川縣東。西山。在羅定州東。

安縣西南。延袤七百里。成化中。韓雍經略西山。頗安

輯。惟東山。深箐剽掠。有司歲發卒戍守。兩廣總督殷

正茂。字養實。建議大征。會遷去。侍郎凌雲翼。字洋山。太

欽人。倉州人。

代至是雲翼乃大集兵令總兵官張元勳

字世臣浙江太平人

李

錫將之四閱月克巢五百六十俘斬招降四萬二千八

百有奇鄰境猺獞皆懼求撫雲翼奏改瀧水縣為羅定

州又設東安設監司叅將積患頓平

先是殷正茂令總兵官俞大猷討平

廣西古田獞韋銀豹等改古田為永寧州及是雲翼既平羅旁復勦捕諸山賊之不靖者由是嶺表畧定

夏四月兵部尚書譚綸卒

諡襄敏

綸沉毅知兵初守台州禦倭有功累擢巡撫朝廷倚以

辦賊遇警輒調居官無寧歲

先撫福建繼撫四川進撫兩廣前後積首功二萬一

千有奇後督師薊遼集兵三萬更徵浙兵三千專屬戚繼

光訓練相度邊隘衝緩道里遠近分薊鎮為十二路路

置一將互為掎角邊備大飭敵不敢入犯帝卽位初進

兵部尚書三疏乞歸不允至是卒

綸始終兵事垂三十年與戚繼光共事齊

名稱譚戚

秋閏八月乙酉朔日食不見

九月張居正以父喪起復冬十月杖編修吳中行

字子道武進人

等謫戍有差

居正父卒帝與兩宮遣中使慰問絡繹道路然未嘗有

意留之而居正自以握權久恐一旦去他人且謀已會

戶部侍郎李幼孜

應城人

欲媚居正首倡奪情議馮保亦

不欲居正去中旨令吏部尚書張瀚諭留居正居正乃

陽上書請守制而陰以牘風瀚覆旨瀚謬為不喻謂政

府奔喪宜予殊典禮部事也何關吏部居正復令客說

張居正久握朝綱恐人圖已遂爾自謀起復貪權戀位之私實不能以自解至吳中行等抗詞極論雖不無過激亦何至紛紛杖謫多人大臣欲以強悍立威逞行罔忌實為弁髦國紀神宗竟爾任其施為雖童昏不應若是至居正索刀刎頸更行同無賴可鄙益甚矣

之不為動乃傳旨責瀚久不奉詔無人臣禮勒致仕

瀚先

附居正得掌吏部見非于世至是忤之去士論皆重瀚于是請留者相繼編修吳

中行檢討趙用賢字汝師常熟人上疏爭之已而員外郎艾穆

字和父主事沈思孝字純父秀水人亦合疏言居正貪位忘親

居正大怒謀于馮保欲廷杖之學士王錫爵字元馭太倉人等

求解于居正不得錫爵獨造喪次切言之居正勃率下拜索刀作刎頸狀曰爾殺我爾殺我

徑入侍講于慎行字無垢東阿人田一儻字德萬大田人張位趙志臯

字汝邁修撰習孔教字君典宣城人皆疏救格不

入遂杖中行等四人謫戍進士鄒元標字爾瞻吉水人復上疏

爭亦坐杖戍南京御史朱鴻模字文甫益都人馳疏救中行等

五人并斥為民于是錫爵慎行一儻懋學先後移病歸

詔遣居正子編修嗣修與司禮太監魏朝馳傳往代司喪禮部主事唐誥治祭工部主事徐應聘治喪居正請無造朝以青衣素服角帶入閣治事許之

彗星見

從東南方起長亘天人情洶洶指目張居正至懸謗書通衢帝詔諭羣臣再及者誅無赦謗乃已

兵部尚書王崇古罷

初諳達諸部嘗越甘肅境掠西番既通款其從孫徹辰

台吉

舊作切盡台吉今改後仿此

連歲盜番不得志求諳達西援崇

古每作書止之是年諳達請赴青海迎佛崇古上言西

行非諳達意且以迎佛爲名不可沮宜飭邊鎮嚴守備

而陰洩其謀于番族以示恩給事中劉鉉

鄱陽人

尹瑾

東莞

人等交章劾崇古弛防徇敵崇古奏辯因乞休去崇古身歷七鎮勲著邊陲封貢之初廷議紛囂有爲危言以撼帝者閣臣力持之乃得成功自順義歸欵後二十年崇古乃歿諡襄毅

十一月考察百官

張居正自奪情後知天下不與已思以威權劫之時因

星變考察百官趙志臯張位習孔教相繼遷謫南京僉

都御史張岳字汝宗餘姚人請令居正奔喪坐考察自陳貶秩

禮部尙書何維栢維栢于嘉靖時以劾嚴嵩得罪隆慶初復官累遷尙書亦以自

陳免先是奪情議起張瀚叩維栢維栢曰天經地義何可廢也瀚從之居正怒奪維栢俸因追論羅倫議

李賢奪情斥爲小豎子間者莫不訝之

戊寅六年春二月以潘季馴總理河漕

先是總河傅希摯

衡水人

欲塞決口。吳桂芳主開老黃河

故道。議未決。有言宜多濬海口。以分水勢者。會桂芳卒。

以季馴代之。季馴相度水勢。

言海口自雲梯關四套以

三四丈。欲別議開鑿。必須深濶。相類。方可注放。工力甚

難。且未至海口。乾地猶可施工。其將入海之地。潮汐往

來。與舊口等耳。舊口皆係積沙。人力雖不可濬。水力自

能衝刷。海無可濬之理。惟當導河歸海。則以水治水。即

濬海之策也。河亦非可以人力導。惟當繕治隄防。俾無

旁決。則水由地中。沙隨水去。即導河之策也。頻年以來。

日以繕隄為事。顧卑薄而不能支。迫近而不能容。雜以

浮沙。而不能久。是以河決崔鎮。水多北潰。為無隄也。淮

季馴治河為明季河臣第一所陳六議。具有條理。今亦頗仍其利。即如止濬海工程一節。實為明達事體。大海口潮汐往來。隨濬隨積。不可以人力治理。本易曉而導河。刷海固其自然之勢。其說尤為至當。且明神宗時至今幾二百年如

果於熱定慮則河流久應
梗塞不通而注壑循塗未
聞少變可見浮沙雖實
與水道無關言者第未深
察耳紙上空談無裨實際
迂儒口舌紛騰往往如此
惟在斷之而已

黃既合。自有控海之勢。又懼其分而力弱也。必暫塞清
江浦河。而嚴司啟閉。以防其內奔。姑置草灣河。而專復
雲梯。以還其故道。仍接築淮安新城長隄。以防其未流。
使淮黃力全。涓滴悉趨于海。則力強且專。下流之積沙
自去。海不濬而闢。河不挑而深。所謂固隄。卽以導河。導
河卽以濬海也。又言黃水入徐。歷郅宿桃清。至清口。會
河而東入海。淮水及鳳。歷盱泗。至清口。會河而東入海。
此兩河故道也。元漕江南粟。則由揚州直北廟灣入海。
未嘗遡淮。陳瑄始隄管家諸河。通淮爲運道。慮淮水漲
溢。則築高家堰。隄以捍之。起武家墩。經大小澗。至阜寧
湖。而淮不東侵。又慮黃河漲溢。則隄新城北。以捍之。起
清江浦。沿鉢池山。柳蒲灣迤東。而黃不南侵。其後隄岸
漸傾。水從高堰決入。淮郡直同魚鼈。而當事者未考其
故。謂海口壅閉。宜急穿支渠。詎知草灣一開。西橋以上。
正河遂致淤阻。夫新河濶二十餘丈。深僅丈許。較故道
僅三十之一。豈能受全河之水。下流旣壅。上流自潰。此
崔鎮諸口所由決也。今新河復塞。故道漸已通流。雖深
濶未及原河十一。而兩河全下。沙隨水刷。欲其全復河
身不難也。河身旣復。濶者七八里。狹者亦三四百丈。沿
沿東下。何水不容。非惟不必別鑿他所。而草灣亦可勿
濬矣。故爲今計。惟修復陳瑄故蹟。高築南北兩隄。以斷
兩河之內灌。則淮揚昏墊可免。塞黃浦口。築寶應隄。濬

東關等淺。修五閘。復五壩。則淮南運道無虞。堅塞桃源。以下崔鎮口諸決。則全河可歸故道。黃淮既無旁決。並驅入海。則沙隨水刷。海口自復。而桃清淺阻。又不足言。此以水治水之道也。廟灣。注見前。武家墩。在山陽縣西南。鉢池山。在山陽縣西北。柳蒲灣。在山陽縣東北。因條上六議。曰塞決口以挽正河。曰築隄防以杜潰決。曰復牐壩以防外河。曰創滾水壩以固隄岸。曰止濬海工程以省糜費。曰寢開老黃河之議以仍利涉。帝悉從其請。乃塞崔鎮等決口百三十。築高家堰隄六十餘里。歸仁集。在徐州府宿遷縣南。隄四十餘里。柳蒲灣隄東西七十餘里。自徐沛至淮揚間。遙隄縷隄。滾水。減水壩。牐。無不修築。逾年工成。自後數年。河道無大患。

立皇后王氏

餘姚人。

史稱馬自強入閣張居正以人望薦之一似居正真能不念夙嫌者殊不知居正專權植黨實有操縱之才自強當日即因負名抵忤未聞悉力糾彈自忤勢位不能相抗久矣一旦以相位牢籠自當喜出望外且其人之色厲內荏或有深識其底裏者是以陽推輿論之公陰責傾心之効正魯論所云苟患失之

先是帝大婚屆期慈聖太后將歸慈寧宮諭張居正曰

吾不能視皇帝朝夕師保之責專恃先生尋以居正充

納采問名副使吉服從事給事中李洊字源甫雲都人言大婚

重典而使居正變服從吉于觀聽不宜乞別簡用不聽

三月以禮部尙書馬自強字體乾同州人兼文淵閣大學士吏部

侍郎申時行字汝默長洲人兼東閣大學士並預機務

張居止請增置閣臣居正將歸葬父恐高拱殷士詹復出故有是請令居正推

擇居正以自強有人望而時行又其所厚遂薦用之自

強負伉直名素忤居正不自意得之頗德居正既入閣

守位而已是冬十月自強卒

張居正葬父歸夏六月還朝

無所不至者也

帝大婚後居正乞歸葬父。許之。賜帝賚忠良銀章如楊士奇、張孚敬例。得密封言事。勅呂調陽等有大事勿專決。馳驛之荊州。聽居正處分。會遼東奏大捷。帝復歸功居正。使使馳諭。俾定爵賞。居正爲條列以聞。旣畢葬。且還朝。居正上言。母老不能冒炎暑。請俟秋涼就道。帝遣錦衣指揮翟汝敬馳傳往趣之。而令中官護其母。由水道行。居正所過。守臣率長跪撫按。長吏越界迎送。身爲前驅。道經襄陽。南陽襄王、唐王出候。設宴具賓主禮。及抵京。兩宮慰勞懇篤。賞賚有加。母至亦如之。

秋七月。呂調陽罷。

張居正歸後。閣事皆送裁決。調陽多內慚。堅卧。累疏乞休。

嘉靖時稅政甚多獨其裁抑中官頗得制馭近習之道故涓人奉法不敢恣肆者幾數十年神宗承其遺制正當申嚴禁令何以復廣加遴選竟至三千五百人之多蓋由馮保居中用事吹噓引進使黨類復致蔓延而若輩氣焰既滋勢即難於鈴束未幾而疊貳日甚礦璫稅監四出征求元氣由茲削盡馴至茄花委甕竊弄威權貽毒遂傾國而履霜學冰此其漸矣

不出及居正還遂致仕。

詔選內豎三千五百人。

冬十二月高拱卒復其官。謚文襄。

拱家居數年及是卒張居正請復其官與祭葬如例馮

保臧未釋中旨給半葬祭文仍寓貶詞云。拱初在吏部

否倉卒舉用皆得人又以時方棘邊事請增置兵部侍郎由侍郎而總督而本兵中外迭居邊材自裕更取各

邊地之人以備司屬如銓司分省故事皆報可及諸達

封貢拱力主王崇古議邊陲遂得休息卒後久之廷議

頌其功乃贈太師賜諡。封李成梁寧遠伯。

十默特與從父哈斯坦。舊作黑石炭。弟大小韋徵。舊作委政。從弟

諾木圖。舊作煖土。恭圖。舊作拱土。子布延台珠爾。舊作言台周。從子黃

台吉及泰寧部長蘇巴爾噶

舊作把速亥

綽哈

舊作炒花今並改

等

頻入犯。成梁屢擊卻之。論功世廕。恩資稠疊。至是蘇巴

爾噶、綽哈、糾土默特、黃台吉等以三萬餘騎壁遼河。攻

東昌堡。

方輿紀要。堡在海州衛東南。海州衛。今奉天府海城縣是。

深入耀州。

遼置。今廢。故城

在海城縣西南。

成梁遣諸將分屯要害以遏之。而親提銳卒出

塞二百餘里。斬其長九人。餘首級八百四十。捷聞。帝告

謝郊廟。封成梁寧遠伯。

成梁故驍悍善戰。會張居正當國。每奏捷。輒張大其功。遂得封

伯。

戶部奏是歲天下戶口之數。

戶一千六十二萬一千四百三十六口。六千六十九萬

二千八百五十六。

巳卯七年春正月。毀天下書院。

時士大夫競講學。張居正特惡之。盡收各省書院爲公廨。

夏四月。張居正上肅雝殿箴。

帝漸備六宮。多宣索太倉銀。購珠寶。居正言歲入則減于舊。歲出則浮于前。請量入爲出。罷節浮費。因進肅雝

殿箴。帝嘉納焉。

一日帝御文華殿。居正侍講讀畢。以給事中。所上災傷疏聞。因請賑。復言。上愛

民如子。而在外諸司。營私背公。剝民罔上。宜痛鉗以法。而上亦當加意撙節于宮中。一切用度。服御賞賚。布施裁省禁止。帝首肯之。

秋八月。減均徭加派。

國初役法。有里甲。均徭。雜泛三等。

以戶計曰甲役。以丁計曰徭役。上命非時

曰雜役皆有力役有雇役府州縣驗冊丁口多寡事產厚薄以均適其力自嘉靖以來行一

條鞭法

其法總括一州縣之賦役量地計丁丁糧畢輸

費量爲增減銀差則計其交納之費加以贈耗凡額辦

派辦京庫歲需與存留供億諸費以及土貢方物悉併

爲一條皆計畝徵銀折一條鞭頗稱簡便然諸役冗費名罷實

辦于官改謂之一條鞭

存有司追徵如故百姓苦之至是詔減銀一百三十萬

有奇

庚辰八年春二月辛未朔日食

三月帝奉兩宮太后謁陵天壽山

張居正乞罷詔慰留之

居正扈帝謁陵歸具疏乞休中云拜手稽首歸政

帝顧

益重賜札稱元輔或稱先生或又稱元輔張少師先生符以師禮而居正奏謝亦儼然自負爲帝者師

凡

居正儼然以帝師自負實違人臣敬慎之儀又動輒

以乞休固寵則更效尤王
安石而滋甚且因兩子下
第竟察停館選而其子遂
連擢魏科直以朝廷顧優
之規攘為私室光榮之具
驕橫若此雖有才亦何足
重乎

再上。帝慰留懇切。最後手書稱慈聖口諭。先生親受先

帝付託。豈忍言去。俟輔爾歲至三十而後商處。先生母

復興此念。居正乃出。初居正子敬修。嗣修。懋修。先後領鄉薦。帝改元之二年。敬修會試不

第。居正怒。因停是科館選。至五年。嗣修遂以第二人及第。是年復當會試。懋修敬修皆中式。會居正方乞休。遂

特擢懋修第一人及第。自居正私其子。連舉上第。而他輔臣呂調陽張四維。申時行之子。亦皆先後成進士。御

史魏允貞疏陳時弊。請自今輔臣子弟中式。俟致政後始許廷對。帝以允貞言過當。謫于外。然自是輔臣居位。

其子無復登第者矣。

夏四月。迎東都督王烏塔。舊作兀。寇邊。李成梁擊敗之。

烏塔。迎市寬甸。怨邊將強抑市價。數遣零騎侵邊。犯靉

陽。堡名。在鳳凰城北。及黃岡嶺。指揮王宗義戰死。遂入永甸堡。

在鳳凰城東。成梁擊走之。追出塞。斬首八百餘級。盡毀其營。

壘至秋復犯寬甸。副將姚大節又破之。烏塔由是不振。

六月南畿大水。

秋七月。後軍都督府僉事俞大猷卒。

諡武襄。

先是大猷以平古田獍功。進世廕。已爲巡按御史所劾。

回籍聽調。久之。復以都督僉事起。僉書後府事。領車營。

訓練三疏乞歸。卒贈左都督。

大猷少好易。嘗以易推衍兵家奇正虛實之權。謂兵

法之數起五。猶一人之身有五體。雖將百萬。可使合爲一人也。初爲汀漳守備。滋武平。作讀易軒。與諸生爲文

會。而日教武士擊劍。及爲大將。持身廉。馭下有恩。數建

大功。威名震南服。其用兵。先計後戰。不貪近功。忠誠許

國老。而彌篤。譚綸嘗與書曰。節制精明。公不如綸。信賞

必罰。公不如戚。精悍馳騁。公不如劉。然此皆小知。而公

則堪大受。戚謂戚繼光。劉謂

劉顯也。其爲綸所推重如此。

冬十月汰冗官。

先是。詔南京職務清簡。官不必備。至是。盡汰內外冗員。並覈各省徭賦。及諸司冒濫冗費。皆從張居正請也。

十一月。度民田。

初。建昌知府許孚遠。

字孟中。德清人。

始爲歸戶冊。以田從人。法

簡而密。後張居正議。

天下

出畝。

通行丈量。遂用開方法。

以徑圍乘除。畸零截補。于是豪猾不得欺隱。里甲免賠

累。而小民無虛糧。總計田七百一萬三千九百七十六

頃。視孝宗時。贏二百萬頃。居正頗以溢額爲功。有司短

縮步弓。以求田多。或掊克覓田。以充虛額。後遂按溢額

增賦。

詔內官並自陳。斥逐有差。

帝卽位初。慈聖太后遇帝嚴。太監馮保倚太后勢。數挾

持帝。帝甚畏之。已而小璫孫海客用。導帝戲游。二人屢誘帝夜

游別宮。小衣窄袖。走馬持刀。又數進奇巧之物。帝深寵幸。保言于太后。后召帝

切責。帝長跪受教。惶懼甚。保屬張居正。草帝罪已手詔。

頒示閣臣。詞過抑損。帝年已十八。覽之內慚。然迫于太

后。不得不下。居正乃上疏切諫。又緣保意。劾去司禮巨

璫孫德秀。溫泰等。而令諸內侍俱自陳。凡保所不悅者。

斥退殆盡。帝由是漸惡保。并亦嫌居正矣。保竊權肆橫。間亦時引大

體。內閣產白蓮。翰林院有雙白燕。居正以爲瑞。進之。保

使使語居正曰。主上冲年。不可以異物啟其玩好。又頗

能約束其子弟。不敢肆惡。人亦以是稱之。然保性貪。其

私人錦衣指揮徐爵。內官張大受。恃勢招權利。居正使

蒼頭游七。與爵結爲兄弟。交關

語言。凡有所謀。皆緣以達焉。

辛巳九年春正月命翰林官分番入直

以張居正請日用翰林官四人入直應制詩文及備顧問

問帝初政居正嘗纂古今治亂事百餘條繪圖以俗語解之使帝易曉至是復屬儒臣紀太祖列聖寶訓實錄分類成書凡四十類請以經筵之暇進講帝從之

三月大閱

夏四月戎政尙書方逢時罷

逢時才略明練處置邊事悉協機宜

先是五年以宣大總督召理戎政時

議者爭言貢市利害逢時疏言北部輸誠效貢莫敢渝約歲時請求隨宜與之輒稽首歡笑有掠人要賞者告諸達討治卽俛首聽命而異議者或曰敵使充斥日益耗費或曰與寇益狎隱憂叵測均未覩事機之論也今計三鎮歲費二十七萬較之向時十纔二三而民間耕獲之人市價之利不與焉方隆慶庚午以前三軍晁骨萬姓流離邊臣首領不保朝廷爲之旰食七八年來幸無此事矣所不可知者諸達老且死數年之後諸部無

所統一。狡黠爭構。或行侵擾。在我亦惟罷貢市。固壁壘。以待。仍禁邊將無輕舉。使曲常在彼。直常在我。因機處。常形。何必貢市。非而戰守是哉。至是以老病乞休去。其功名與王崇古相亞。世稱方王。

土默特犯遼陽。副總兵曹簠敗績。

先是。土默特以二萬餘騎入攻錦州。叅將熊朝臣固守。

而遣部將出戰。皆歿。敵乃分掠小凌河。

在錦州府錦縣東。亦名錦川。

松山。

在錦縣縣南。杏山。

在錦縣西南。會李成梁馳援。始出境。已而土

默特復與諸酋聚兵塞下。謀入廣寧。成梁率輕騎從大

寧堡。

在錦州府義州東北。

出塞四百餘里。擊之。敵大敗走。至是復

入遼陽。簠出禦之。遇伏。失千總陳鵬以下三百十七人。

馬死者四百六十匹。土默特遂大掠人畜而去。

京師旱南畿饑

張居正上言。淮鳳蘇松連被災傷。徐宿間至以樹皮充饑。或聚爲盜。昔元末之亂。亦起于此。當破格賑之。陛下宜撙節官中耗費。嘉靖朝用最浩繁。內庫尙有餘積。今已增額。猶稱缺乏。有限之財。安能供無窮之用。帝嘉納之。居正以江南貴豪怙勢。及諸奸猾吏民善逋賦。乃選大吏精悍者。嚴行督責。賦以時輸。國藏乃日益充裕。五月。盡賣民間種馬。

國初。馬有官牧。有民牧。官牧給邊鎮。民牧給京軍。皆有孳生駒。給草場以資芻牧。後專牧于民。視丁田授馬。始曰戶馬。旣曰種馬。按歲徵駒。種馬死。孳生不及數。輒賠補。自豪右莊田占草場。馬戶漸多逃竄。穆宗從太僕少

卿武金議賣種馬之半。

金言種馬之設專為孳生備用。備用馬既別買則種馬可遂省。

今備用馬既足三萬。宜令每馬折銀三十兩。解太僕種馬盡賣輸兵部。一馬十兩。則直隸山東河南十二萬匹。可得銀百二十萬。且收草豆銀二十四萬。御史謝延傑謂祖制所定。關軍機不可廢。兵部是廷傑言。而是時內帑乏竭。方分使括天下逋賦。穆宗遂可金奏。下部議。請養賣各半。從之。至是以互市饒馬。盡賣之上馬八兩。下至五兩。又折徵草場地租銀。以供團營買馬。及各邊之請。迨帝末年。師役繁興。往往借支太僕銀。久之。銀與馬兩竭。罔政大壞。

